

四庫全書

史部

欽定四庫全書

史部

御批資治通鑑綱目卷三十八

詳校官修撰

臣錢棨

編修

臣

程嘉謨覆勅

總裁官降調編修

臣

倉聖脉

校對官中書

臣

宋枋遠

謄錄監生

臣

趙之聖

欽定四庫全書

御批資治通鑑綱目卷三十八

起戊寅隋恭帝侗皇泰元年八月。盡甲申唐高祖武德七年。

凡六年

有奇

八月秦主舉卒子仁果立考異

按崩葬例曰無統之君稱帝者曰某主某殂此

當書殂

誤作卒

部瓊言於薛舉曰唐兵新破關中騷動宜乘勝

集覽

直取長安舉狀之會病卒仁果立居折塢城

折塢城名

質實

關中注見唐元中開元十一年京兆長安縣名注見漢惠帝五年一統志

欽定四庫全書

御批資治通鑑綱目

云折塢城在西安府宜祿廢縣北五里唐初秦王薛仁果居折塢城太宗圖之即此

書法

凡主書卒有正統也於是夷隋於列國矣則其卒秦主何將予唐以正統也故秦主書卒

楚主

書卒

唐立李軌為涼王

唐主欲與李軌共圖秦隴遣使招撫之謂之從弟執大喜遣弟入貢遂冊拜軌為梁王質實秦二州名秦注見漢光武建武元年天水隴注同上六年汧

唐遣秦王世民伐秦 隋人葬煬帝於江都

隋江都太守陳稜求得煬帝之柩略備儀衛葬之質實江都郡名注見漢武帝元朔五年淮南

魏公密與隋戰大敗遂以其衆降唐

李密驕矜不恤士衆徐世勣嘗譏其短密不擇使出鎮黎陽以疎之洛口倉無防守文券取者隨意委棄衛路米厚數寸群盜來就食者近百萬口東都降者日以百數淘米洛水兩岸十里聚如白沙密喜謂賈閏甫曰此可謂足食矣閏甫曰國以民為本民以食為天今民襁負而至者以所天在此故也而有司不吝屑越如此一日米盡民散孰與成大業哉時隋軍乏食密軍少衣王世充請交易密許之東都降者遂少世充簡兵擊密密留王伯當守金墉邴元真守洛口自引精兵出偃師北阻卽山以待之召諸將會議裴仁基曰世充悉衆而至洛下必虛可簡精兵三萬傍河西出以逼東都世充還我且按甲如此則我有餘力彼勞奔命破之必矣密曰公言大善既而諸將欲戰者什七八密又惑而從之仁基苦爭不得魏徵

欽定四庫全書

卷三十八

亦言於長史鄭頴曰公雖驥勝而驍將斃卒多死戰
士心急難以應敵且世充乏食志在死戰未若深溝
高壘以拒之不過旬月世充必退追而擊之蔑不勝
矣頴曰此老生之常談耳密輕世充不設壁壘世充
夜遣騎潛入北山伏谿谷中命軍士皆秣馬蓐食遲
明薄密密兵未及成列世充縱擊之世充士卒皆江
淮剽勇出入如飛戰力酣伏兵乘高馳下密衆大潰
馳回洛口元真已遣人潛引世充矣單雄信亦降於
世充密自度不能支帥輕騎奔虎牢王伯當亦棄金
墉保河陽密欲南阻河北守大行東連黎陽以圖進
取諸將曰兵新失利衆心危懼難以成功密曰孤所
恃者衆也衆既不願孤道窮矣諸君幸不相棄當共
歸關中衆咸曰然從密入關者二萬人於是密之將
帥州縣多降於隋元真本縣吏坐賊亡命從翟讓讓
以為書記及密開幕府薦以為長吏密不得已用之
未嘗使預謀畫元真貪鄙宇文溫勸密殺之元真知

之故叛雄信驍捷善馬槩軍中號飛將房彥藻以雄
信輕於去就勸密除之密愛其材不忍也至是果叛

集覽

屑越通鑑釋文曰屑通作薛案荀子貨財粟米
者彼將日月棲遲薛越之中野言輕棄之也秣

馬辱食左傳文七年秣馬辱食潛師夜起注秣音末
說文作餽云食馬穀也辱音辱辱食早食於寢辱也

薄密薄音博迫也
迫之欲與戰也

質實

黎陽郡名注見漢成帝綏和
三年洛口倉注見漢煬帝大業

七年文券注見梁武帝天監十六年東都注見秦莊
襄王元年三川洛水注見漢高后三年襁負注見漢

殤帝延平元年金墉城名注見魏元帝咸熙二年偃
師縣名注見唐肅宗至德二年邛山注見漢靈帝中

平六年洛下謂洛州注見漢獻帝建安十三年許下
虎牢關名注見晉帝奕太和四年河陽縣名注見漢

帝元更始二年孟津太行山名注見周
安王十六年幕府注見秦王政三年

秦園涇州唐兵敗績守將劉感死之

唐將軍劉感鎮涇州薛仁果圍之唐長平王叔良將兵至仁果偽遁又遣高墪人偽以墪降叔良命感帥衆赴之大敗仁果擒感復圍涇州令感語城中云援兵已敗不如早降感許之至城下大呼曰逆賊饑餒亡在朝夕秦王帥數十萬衆四面俱集城中勉質實之仁果怒埋感至膝馳騎射之至死聲色逾厲

涇州注見漢光武建武元年安定長平縣名注見梁武帝中大通六年

發明

隋氏負不義之名故雖有致命效死之臣皆不得書今唐德方新是以劉感首以死節特

書于冊綱目之去取如此一以孤逆賊之黨一以褒忠義之士皆所以垂世勸戒也

唐遣使如突厥突厥遣使報之

喜違鄭元瑒以女妓賂始畢可汗始畢遣質實突厥
便報之唐主與之宴引升御坐以寵之北狄

種名注見梁武帝大同十一年可汗夷
秋君長之號注見後主景耀四年

唐行戊寅歷

白馬道士傳仁均所造也質實白馬縣名注見漢獻帝建安五年

字文化及弒秦王浩自稱許帝

字文化及兵勢日盛兄弟酣宴醉尤智及曰今所向
無成負我君之名天下不容必將滅族豈不由汝智
反怒數相鬪其衆多亡化及嘆曰人生固當死豈
不一日為帝乎於是鴆殺秦王浩稱帝於魏縣國號
許集覽醉尤尤怒也因質實魏縣注見漢成
帝綏和二年

書法

秦王浩何不威之為帝也故立書秦王浩弒書秦王浩然則其書弒何化及前既立之不

書弒則亂臣得以適其誅矣故化及嘗再三不書隋於是復書所以正其弒也

冬十月朔日食質實

日食注見新莽天鳳元年

○唐以李密為光祿

邢國公考異

邢上漏封字

密將至唐主遣使迎勞相望密喜曰我擁眾百萬解甲歸唐以於實融功亦不細豈不以台司見處乎至長安乃拜光祿卿賜集覽几於實融更始時實融行唐邢國公密大失望河西大將軍事後歸漢光武授以涼州牧又賜以外屬國後平隴蜀拜大司空恩寵在功臣之右台司台宿鼎司三公之位也蓋三公者上應三台三

質實

神州名注見楚義帝元年襄國

唐以淮安王神通為山東安撫大使質實

淮安郡名注見齊武帝永

相五年山東道名注見宋文帝元嘉二十五年

○朱粲自稱楚帝取唐鄧州刺

史呂子臧死之

鄧州刺史呂子臧與撫慰使馬元規擊朱粲破之言於元規曰粲新敗危懼併力擊之一舉可滅若復遽延其徒稍集則為患深矣元規不從既而粲收其餘衆兵復大振自稱楚帝進攻鄧州子臧撫膺謂元規曰老夫今日坐公死矣會霖雨城壞所親勸子臧降子臧曰安有天子方伯降賊者乎帥麾下赴敵而死俄而城陷質實

鄧州注見周赧王十四年麾下注見漢獻帝建安十四年

發明

鄧州之敗馬元規與呂子臧俱死而不得俱書者元規不從子臧之策以致於敗故也

隋以王世充為太尉

徐文遠復入東都見世充必先拜或問曰君倨見李密而敬王公何也文遠曰魏公君子也能容賢士王公小人也殺故人吾何敢不拜

唐以李襲譽為太府少卿

隋末羣盜起冠軍司兵李襲譽說西京留守陰世師遣兵據永豐倉發粟以賑窮乏出庫物賞戰士移檄郡縣同心討賊世師不能用乃求募兵山南唐主克長安召為太府少卿附屬籍質實封號言在諸軍之上注見漢武帝元朔六年李襲譽隴西狄道人襲志之弟移檄注見楚義帝元年

唐納言竇抗罷質實

納言官名注見漢靈帝光和元年

○十一月涼王

軌稱帝○唐秦王世民破秦兵圍折塢秦主仁果出降

薛仁果之為太子也與諸將多有隙及即位衆心猜懼郝瑗哭舉而死由是寢弱秦王世民至高塢仁果使宗羅睺將兵拒之世民堅壁不出諸將請戰世民曰我軍新敗士氣沮喪賊恃勝而驕有輕我心宜閉壘以待之彼驕我奮可一戰而克也乃令軍中曰敢言戰者斬相持六十餘日仁果糧盡所部多降世民乃命梁實營於淺水原以誘之羅睺大喜盡銳攻之數日世民度其已疲謂諸將曰可以戰矣使龐玉陳於原南羅睺并兵擊之玉幾不能支世民乃引大軍自原北出其不意自帥驍騎陷陳羅睺軍潰世民帥騎追之實軌叩馬苦諫世民曰破竹之勢不可失也遂進圍之仁果將士多叛計窮出降得其精兵萬餘人諸將皆賀因問曰大王一戰而勝遽捨步兵又無攻具直造城下衆皆以為不克而卒取之何也世民

曰羅睺所將皆隴外驍將悍卒吾特出其不意而破之斬獲不多若緩之則皆入城仁果撫而用之未易克也急之則散歸隴外折墟虛弱仁果破膽不暇為謀此吾所以克也衆皆悅服世民所得降卒悉使仁果兄弟及羅睺等將之與之射獵無所疑間賊畏威銜恩皆愿效死世民聞褚亮名求訪獲之引為文學唐主使李密迎世民於幽州密自恃智畧功名見唐主猶有傲色及見世民不覺驚服私謂殷開山曰真英主也不如是何以定禍亂乎唐以姜質實淺水原舊為秦州刺史撫以恩信士民安之莫詳處所唯西安府邠州城西九十里宜祿廢縣北五里有後魏淺水縣未知是否姑錄之以備攷焉褚亮錢塘人幽州注見漢桓帝延熹五年姜譽上邽人

徐世勣降唐賜姓李氏

徐世勣據李密舊境未有所屬魏徵隨密至長安無所知名乃自請安集山東唐主以為秘書丞乘傳至黎陽勸世勣早降世勣遂決計西向謂長史郭孝恪曰此民衆土地皆魏公有也吾若獻之是利主之敗自為功以邀富貴也吾實耻之今宜藉郡縣戶口士馬之數以啓魏公使自獻之乃使孝恪詣長安唐主初怪世勣無表既而聞之嘆曰世勣不肯德不邀功真純臣也賜姓李氏使孝恪與世勣經營虎牢以東范氏曰古者天子建國賜姓命氏所以別其族類之所出子孫各本於其祖不可改也漢祖賜婁敬姓為劉鄩陋無稽甚矣而唐世遂以為法或加於盜賊夷虜遂以逆族異類為同宗然則古之賜姓者別之而後之賜姓者亂之也夫天親不可以人為而彊欲同之豈理也哉上讀其姓下忘其祖非先王之制不可為後世質實

乘傳注見漢景帝三年郭孝恪陽翟人

唐斬薛仁果於市

秦王世民還至長安斬薛仁果於市唐主享勞將士謂羣臣曰諸公共相翊戴以成帝業若天下承平可共保富貴使王世充得志公輩豈有種乎如仁果君臣豈可不以為鑑也

書法

降書斬甚之也於市又甚焉

發明

光武待劉盆子以不死蓋以既受其降則不可得而殺之也薛仁果以盜賊竊據土宇罪固當誅然上書仁果出降下書斬仁果於市則唐人未免為殺降而仁果之罪否則有所未暇問也

唐遣李密收撫山東

李密遇大朝會職當進食深耻之退以告王伯當伯當曰天下事在公度內耳乃言於唐主曰臣蒙榮寵

曾無報效山東之衆皆臣故時麾下請往收之憑藉國威取世充如拾芥耳群臣皆以密狡猾好反不可遣唐主不聽密請賈閏甫偕行唐主許之引集覽飲升御榻飲勞甚厚又以王伯當為副而遣之勞並去聲飲以酒而慰勞之

夏王建德取深冀易定等州

有大鳥五集於樂壽羣鳥數萬從之又有得玄圭以獻者建德羣臣曰此天所以錫大禹也乃改國號夏改元五鳳初王頒拔掠幽州中流矢死其將魏刀兒伐領其衆據深澤掠冀定衆至十萬建德襲擊斬之并其衆易定亦降唯冀州刺史麴稜不下質實一統志云攻拔之建德見稜曰忠臣也以為內史令質實一統志云樂壽本漢樂成縣地名屬河間國東漢改樂陵縣三國魏又改樂城縣隋改廣城縣又改樂壽縣屬瀛州

唐屬深州宋屬河間府以景城縣省入金改壽州尋改獻州元因之至本朝改為獻縣屬河間府幽州注見唐高祖武德四年深澤二州名深注見漢後主景耀三年澤注見梁武帝中大通六年冀定二州名冀註見秦二世二年信都定注見周威烈王二十三年易州注見周世宗顯德六年玄圭書禹貢篇禹錫玄圭告厥成功注禹以玄圭為贊而告厥功于舜也水色黑故圭以玄云

書法

前書長樂王建德此書夏王何隋立之也於是建德與世充結好奉表於隋隋以為夏王

然則曷為不書隋立不以臣隋累建德也綱目於建德多予辭

唐以秦王世民為陝東大行臺

蒲州及河北兵馬並受節度

質實

蒲州注見周赧王十二年蒲坂

唐殺隋河東守將堯君素

隋將堯君素守河東唐遣獨孤懷恩攻之不下招之不從遣其妻至城下謂之曰隋室已亡君何自苦君素曰天下名義非婦人所知引弓射之應弦而倒君素志在守死每言及國家未嘗不歔歔謂將士曰吾大義不得不死必若隋祚永終天命有屬自當斷頭以付諸君持取富貴今城池甚固倉儲豐備大事猶未可知不可橫生心也久之食盡又聞江都傾覆左右殺君素以降別將王行本誅作亂者復乘城拒守懷恩引質實

河東郡名注見漢光武建武元年

書法

隋守將何見君素之終身隋臣也前書堯君素不下此書隋河東守將而君素之志節著

矣然則曷為不書死之廣為弑逆其臣雖守節如君素不得以死節書所以深惡廣也殺君素者君

素之左右耳書唐殺之何書唐殺之所以微著君素之節也是故其見殺也書隋其贈官也書隋唐

貞觀十

三年

發明

堯君素之死書河東守將則見其不失官守書隋則見其不失臣節書唐殺則見唐人非

理疆殺之是皆予之之意也然既予之而又不得為死節何哉煬負天下之誅以至累及臣子是

書法如此不然將書曰唐攻

河東隋守將堯君素死之矣

唐以羅藝為幽州總管擊夏兵敗之

初字文化及遣使招羅藝藝曰我隋臣也斬其使為煬帝發喪臨三日竇建德高開道各遣使招之藝曰二子皆劇賊耳唐公乃吾主也遂與漁陽上谷諸郡皆奉表降唐唐以為幽州總管其將薛萬徹萬均亦

皆授以官爵寶建德帥衆十萬寇幽州藝將逆戰萬
均曰彼衆我寡出戰必敗不若使羸兵阻水為陳彼
必度水擊我萬均請以百騎伏於城旁俟其半渡而
擊之茂不勝矣藝從之大破建德相拒百餘日建德
引還藝司馬溫彥博贊其歸唐之計唐徵為中書
侍郎與兄黃門侍郎大雅對居近密時人榮之質
實劇賊注見漢光武建武五年劇虜渙陽郡名注見
秦王政三年上谷郡名注同上年薛萬徹燉煌人
萬均之弟溫彥
博并州祁人

唐以西突厥曷娑那可汗為歸義王

曷娑那獻大珠唐主曰珠誠至寶
然朕寶王赤心珠無所用竟還之

唐李密叛行軍總管盛彥師討斬之

密之出關也長史張寶德上封事言其必叛唐主乃
敕密還更受節度密謂賈閏甫曰無故召還恐無生
理不若破桃林縣收兵渡河苟得至黎陽大事必成
公意如何閏甫曰明公既已委質復生異圖雖破桃
林兵豈暇集一稱叛逆誰復容人為明公計不若且
應朝命以明元無異心密怒曰唐使吾與絳灌同列
吾何以堪之閏甫曰自翟讓受戮之後人皆謂明公
棄恩忘本今日誰肯復以兵委公者大福不再願熟
思之密大怒揮刃欲擊之閏甫奔熊州密遂斬使者
入桃林縣驅掠徒眾直趣南山乘險而東使人馳告
故將伊州刺史張善相令以兵應接而聲言向洛行
軍總管盛彥師聞之率眾踰熊耳山南據要道令其
眾夾路而伏令之曰俟賊半渡一時俱發或曰聞密
欲向洛而公入山何也彥師曰密聲言向洛實欲出
人不意走襄城就張善相耳若賊入谷我自後追之
山路險隘一夫殿後必不能制今吾得先入谷擒之

必矣密果南出半渡彥師擊斬之及伯當傳首長安
李世勣在黎陽唐主遣使以密首示之世勣北面號
慟表請收葬詔歸其屍世勣舉軍縞素葬之集覽
密素得士心哭之者多嘔血善相亦降於唐集覽
絳謂絳侯周勃初以織薄曲為生吹簫給喪事灌謂
昌文侯灌嬰初以販繒為生故李密皆賤之殿後注
見漢昭烈帝質實一統志云桃林縣本秦函谷關地
章武二年質實漢置弘農縣魏晉因之隋開皇中
析置桃林縣屬陝州後屬號郡唐初屬陝州天寶初
得符寶於古函谷關因改曰靈寶縣宋金元仍舊焉
本朝因之改屬河南府委質注見周威烈王二十三
年熊州注見周安王十一年宜陽南山注同上十五
年伊闕伊川注見漢帝元更始二年洛州名注見秦
莊襄王元年三川盛彥師宋州虞城人熊耳山注見
宋文帝元嘉二十七年襄城
郡名注見周赧王十五年

書法

李密於隋書起兵矣此其書叛何嘗降唐也故書討斬之綱目之名分嚴矣

高開道據漁陽自稱燕王○唐以李素立為侍御史

有犯法不至死者唐主特命殺之監察御史李素立諫曰三尺法王者所與天下共也法一動搖人無所措手足陛下甫創鴻業奈何棄法臣不敢奉詔唐主曰從之命所司授以七品清要官擬雍州司戶唐主曰要而不清又擬祕書郎唐主曰清而不要遂擢授侍御史質實三尺法孟康云三尺者以三尺竹簡書法律是也雍州注見唐元宗開元十一年京兆

唐以舞胡安叱奴為散騎侍郎

唐以舞胡安叱奴為散騎侍郎禮部尚書李綱諫曰古者樂工不與士齒今天下新定建義功臣行賞未

遍高材碩學猶滯草萊而先擢舞胡為五品使鳴玉
曳組趨翔廊廟非所以規模後世也唐主曰吾業已
授之不可追也陳巖曰受命之主發號施令為子孫
法一不中理則為厲階豈可謂業已授之而不可追

毀集覽

不與士齒不得以年齒序列於士類也記王
制曰出鄉不與士齒注賤也於其鄉中則齒

親親也鳴玉曳組玉佩也組綬也間次五采為之曳
以制反引也記玉藻曰古之君子必佩玉進則揖之
退則揚之然後玉鏘鳴也故在車則聞鸞和之聲行
則鳴佩玉案雜佩圖其制上有折衡下有雙璜中有
琚瑀下有衡牙貫之以組綬焉又質實厲階注見文
佩玉之節注見漢順帝陽嘉二年質實帝仁壽四年
書法直書舞胡而貶義自見矣是故唐用安叱奴
書舞胡後唐用陳俊等書伶人用嚴旭書樂

工皆深
譏之也

發明

為政之失莫大於流品之不分况乎創業之始將以貽誅詔後烏可使樂工雜類廁跡於

縉紳之列哉直書唐以舞胡安叱奴為散騎侍郎其失不可得而掩矣惜哉

凉大饑

李軌發民築臺勞費甚廣河右饑人相食軌傾家財賑之不足議發倉粟羣臣皆以為然謝統師等故隋官心不服軌乃曰百姓饑者自是羸弱勇壯之士終不至此倉粟以備不虞豈可散之以飼羸弱軌以為然由是士心離怨

已隋恭帝侗皇泰二年唐武德二年○鄭王王世充開
卯明元梁王沈法興延康元吳王李子通明政元年
是歲隋凉楚黎亡并楚夏
定楊梁師都梁銑凡九國
春正月隋王世充殺總管劉

孝元獨孤武都

王世充盡取隋朝顯官名士為官屬杜淹戴胄皆預焉世充專總朝政事無大小悉關太尉府臺省監閫然上書陳事者日以百數世充悉引見殷勤慰諭人自喜然終無所施行下至士卒廝養皆以甘言悅之而實無恩施馬軍總管獨孤武都為世充所親任步兵總管劉孝元等謀召唐兵使崔孝仁說武都曰王公徒為兒女之態以說下愚而鄙隘貪恣不顧新舊豈能成大業哉唐起晉陽奄有關內兵不留行英雄景附且坦懷待物舉善責功不念舊惡據勝勢以爭天下誰能敵之今其兵近在新安若遣間使召之吾曹為內應事無不集矣武

集覽 間然易豐卦闕其都從之事世充皆殺之

苦鵠反徐氏音苦鵠反馬鄭云無人貌廣韻注寂靜也禮韻間作闌音苦臭反說下愚句絕說讀與悅同

兵不留行注見晉 孝武帝太元元年質實

杜淹京北杜陵人戴胄相州安陽人晉陽縣名注見周威

烈王廿三年新安縣名注見楚帝義元年

唐淮安王神通擊宇文化及於魏縣走之

書法

薛舉稱帝則以秦主舉書化及亦稱許帝矣
曷為不書許主化及化及弑君賊也故削之

然則不書討書擊何唐有
嫌也惟竇建德得書誅

○淮安楊士林擊破朱粲唐以為顯州行臺

朱粲有衆二十萬剽掠漢淮間每破州縣食其積粟
將去悉焚其餘軍中之食乃教士卒烹婦人嬰兒噉
之曰肉之美者無過於人但使他國有人何憂於饑
初以隋著作佐郎陸從典通事舍人顏慙楚為賓客

其後閩家皆為所嗽又稅諸城堡細弱以供軍食淮安土豪楊士林起兵攻聚諸州皆應之聚大敗奔菊潭士林帥漢東四郡請集覽菊潭本漢鄴縣地漢地降唐以為顯州道行臺集覽菊潭本漢鄴縣地漢地州荊州記菊水出穰縣南芳菊被岸質實一統志云水極甘香谷中人飲此水者多壽菊潭在南陽府內鄉縣西北源出折谷東石澗山或云出石馬峰其水重於諸水傍生甘菊水極甘香有數十家惟飲此水壽多至百歲之上其菊莖短花大其味甘美異於他菊人多收其種傳於四方顯州注見齊武帝永明五年

二月唐定租庸調法集覽

租庸調王崇曰有田則有租有身則有庸有戶則有調

每丁租二石絹二疋綿三兩自茲以外不得橫歛

唐置宗師

詔諸宗姓居官者在同列之上未仕者免
後每州置宗師一人以攝總別為團伍

唐使吐谷渾伐涼

初唐冊使至涼州李軌欲去帝號受唐官爵曹珍曰
隋失其鹿天下共逐之唐帝開中涼帝河右固不相
妨必欲以小事大請依蕭瑒事魏故事軌從之遣其
左丞鄧曉入見奉書稱皇從弟大涼皇帝臣軌唐主
怒使議討之初隋煬帝征吐谷渾可汗伏允奔黨項
煬帝立其質子順為主不果入會中國喪亂伏允還
收其故地唐主即位遣使與伏允連和使擊李軌許
以順還之伏允喜起兵擊軌數遣使入貢請順唐主
遣集覽冊使冊王言也王言之制有七一曰冊書立
皇后皇太子封諸王納妃嬪臨軒冊命則用

之中書令讀侍郎持授之使謂將命涼州注見質實唐中宗景

者蕭登魏立之是為後梁登音察

龍二年隋失其鹿注見漢光武建武六年吐谷渾西域種名注見晉元帝建武元年党項西戎別種注見

陳後主至德四年質子注見周顯王四十一年

書法

引夷滑夏必書寇恒也據盧芳梁師都此吐谷渾也其書伐何罪涼也涼嘗受唐爵矣既

而自稱涼帝唐之伐之為有名矣故雖以吐谷渾兵得稱伐

朱粲降唐以為楚王○夏王建德破宇文化及於聊城誅之

宇文化及誘海曲諸賊帥共守聊城竇建德謂其下曰隋為吾君吾為隋民化及弑逆不可不討乃引兵

趣聊城時唐淮安王神通攻聊城化及糧盡請降神通不許建德軍且至神通引退建德與化及連戰大破之生擒化及先謁隋蕭后稱臣素服哭場帝盡哀收傳國璽執智及與其黨集隋官而斬之建德每克城得資財悉以分將士常食蔬茹粟飯妻曹氏不衣紉綺婢妾纔十許人得隋宮人千數即時散遣以裴矩為左僕射自餘隨才授職欲詣關中及東都者聽之又與王世充結好奉表於隋隋封建德為夏王裴矩為定朝儀制律令建德甚悅胡氏曰商紂既亡子孫皆臣服於周惟妹土頑民乃有哀號呼天欲紀其緒未聞殷之賢臣為紂斬衰擗踊敬事姐已者也隋煬之罪視紂為浮實建德於是焉數字文化及以世受國恩不能匡諫親行弑逆輒自稱尊討而殺之可也而為昏煬發哀拜謁蕭后則施之不當何足以感動人心其與漢祖集覽妹土書酒誥明大命于妹邦為義帝之節異矣

集覽

妹土書酒誥明大命于妹邦注妹地名紂所都朝歌以北

是馬氏曰妹土即牧養之地蔡氏曰即詩所謂妹之
卿矣視紂為浮視上聲比也紂商王受也浮過也書
秦誓惟受罪浮于桀漢祖為義帝之節初漢王與項
羽共立義帝後為羽所殺漢王乃為義帝發喪於是
南浮江漢以下顧從諸侯王擊楚之殺義帝者質實一統志云海曲漢之縣名屬瑯琊郡舊設鹽官名日照鎮魏晉以來俱屬莒縣金始置日照縣屬莒州元仍舊本朝因之改屬青州府聊城縣名注見
秦孝文王元年傳國璽
注見漢光武建武三年

書法

書誅何弑君賊也不誅則亂臣賊子接跡於天下矣綱目於隋末諸國唯夏多予辭蓋建

德之與常近正故書稱長樂王不書隋以破化及則書誅

有書自稱某王為夏王不書隋以破化及則書誅
據淮南書擊雖以唐攻之止
書擊據唐於秦涼鄭梁書伐

唐以宇文士及為上儀同封德彝為內史侍郎

初唐主與宇文士及善化及既死手詔召之士及與封德彝來降時士及妹為昭儀由是授上儀同唐主以德彝諂巧不忠罷遣就舍德彝以祕策干唐主唐主悅拜內史舍人俄遷侍郎范氏曰甚矣佞人之難遠也自古君子易疎小人易親蓋君子難於進而果於退小人不耻於自售而戚於不見知其進也無所不至人君一為所惑鮮有不至禍敗者也胡氏曰禍亂之臣於興國無怨惡也而不可不戮者天下之惡一也既以謝塗炭之人又以訓吾之臣子也德彝士及身為大臣產禍召亂又與叛逆詬詈其君此而不誅反寵秩之唐之官賞為不足貴矣

書法

化及士及兄弟也化及弑逆之賊士及德彝其黨也爰誅之唐爵之綱目並書于策得失

見矣

發明

士及德彝在隋以諂巧得為內史而化及弒逆在

士及為逆黨則二人之為小人無疑矣綱目據事直書而唐主用人之失固在其中宜乎先儒之交

也貶

隋王世充侵唐穀州

王世充以秦叔寶程知節為將軍待之皆厚然二人疾世充多詐知節謂叔寶曰王公器度淺狹多妄語好咒誓乃老巫嫗耳豈撥亂之主乎至是世充與唐兵戰於九曲叔寶知節以數十騎西馳百許步下馬拜世充曰僕荷公殊禮深思報效公猜忌信讒非僕託身之所請從此辭遂降於唐秦王世民聞其名厚

禮之以叔寶為總管知節為統軍既而將軍李君羨田留安亦降于唐世民置君羨左右以留安為統軍世充攻獲嘉唐陟州刺史
集覽 九曲地名屬鄆州在隴右
質實 李育德與弟三人皆戰死
注見 周安王十一年宜陽李君羨洛州人一統志云獲嘉縣名本殷之寧邑地周為脩武地秦屬三川郡漢武帝幸緱氏至級縣得南越相呂嘉首因置縣名獲嘉屬河南郡晉因之又增置殷州東魏置西脩武高齊移獲嘉治共城隋開皇中移治於此唐初置殷州貞觀中州廢以縣屬懷州宋元仍舊焉本朝因之改屬衛輝府陟州注見周威烈王六年懷縣

唐并州總管齊王元吉免尋復本任

殿內監竇誕右衛將軍宇文歆助齊王元吉守晉陽元吉性驕侈好田獵載網罟三十餘車嘗言我寧三

日不食不能一日不獵當與誕獵蹂踐人木稼縱左右掠奪民物當衛射人觀其避箭歆乃表言其狀元吉坐免官尋諷父質實實誕祁州人老留已詔復從之

唐以楊恭仁為涼州總管

恭仁素習邊事曉羌胡情偽民夷悅服自蔥嶺以東並入朝貢集覽帝永元二年

質實

楊恭仁華陰人隋觀王雄之子

突厥始畢可汗死弟處羅可汗立○隋東海北海東平

須昌淮南諸郡皆降于唐質實

東海郡名注見秦二世二年鄭北海郡名注見

漢桓帝永康元年青州東平郡名注見漢獻帝興平元年須昌郡名注見宋文帝元嘉七年

○隋王

世充自稱鄭王加九錫

初王世充既殺元盧慮人情未附猶媚事隋主既而漸驕橫嘗賜食宮中還家大吐疑為遇毒自是不復朝謁其侵穀州也外示攻取實召文武議受禪李世英深以為不可曰四方所以歸附東都者以公能中興隋室故也今九州之地未清其一而遽正位號恐遠人皆思叛去矣戴胄亦曰君臣猶父子也休戚同之明公若能竭忠狗國則家國俱安矣世充詭辭稱善而遣之及議受九錫胄復固諫世充怒出為鄭州長史乃使從達等言於隋主隋主曰鄭公近平李密已拜太尉自是以來未有殊績俟天下稍平議之未晚達曰太尉欲之隋主熟視曰任公達等隨稱詔進世充爵鄭王加九錫世充奉表三讓納言獲威年老不任朝謁世充以威隋氏重臣欲以眩耀士民每勸進必冠威名又受殊禮之日扶威置百官之上然後

南面正集覽

元盧元文都盧楚去年被殺任公句絕任從公之意

質實

九錫注見漢平

帝元始五年鄭州注見梁武帝普通六年納言官名注見漢靈帝光和元年

唐以鄭善果為內史侍郎

初字文化及以隋大理卿鄭善果為民部尚書從至聊城為化及督戰中流矢及城破王琮獲之責之曰公名臣之家隋室大臣奈何為弑君之賊致命至此乎善果大慙欲自殺奔長安唐主優禮之

長安縣名注見漢惠帝五年

書法

前書士及德彞繼書元吉善果賞刑若此唐之治體所以不得為純粹也

夏四月定楊可汗武周擊唐并州取榆次

劉武周引突厥寇并州兵鋒甚盛齊王元吉遣將軍張達以步卒百人當之達以兵少辭彊遣之至則俱沒達忿恨引武

集覽

榆次戰國趙地智伯敗於榆次即此次一音慈案地志太原有

梗陽鄉是也括地志云并州榆次縣古榆次也今太原府縣

質實

定楊可汗注見煬帝大業十三

年一統志云榆次古地名春秋時晉為塗水邑漢置榆次縣屬太原郡晉仍舊後魏太武時并入晉陽縣後復置北齊省入中都隋初復置徙治漢榆次古城屬并州唐宋金元仍舊至本朝因之改屬太原府

楚王朱粲殺唐使者奔東都

唐散騎常侍段確奉詔慰勞朱粲乘醉侮粲曰聞卿好噉人人作何味粲曰噉醉人正如糟羶肉確怒罵曰狂賊入朝為一頭奴耳復得噉人手粲烹食之遂屠菊潭奔王世充

書法

黎受唐爵矣殺唐使者則叛也不書叛何據
李密高開道既降書叛罪使者也故止書奔

鄭王世充稱帝

世充令長史韋節等造禪代儀遣段達等入奏隋主曰天命不常鄭王功德甚盛願陛下遵唐虞之迹隋主怒曰天下者高祖之天下若隋祚未亡此言不應發必天命已改何煩禪讓公等或祖禰舊臣或台鼎高位既有斯言朕復何望世充乃稱隋主命禪位於鄭幽隋主於含涼殿雖有三表陳讓及敕書敦勸隋主皆不之知世充遂備法駕入宮即皇帝位立子玄應為太子玄恕為漢王奉隋主為潞國公以蘇威為太師以陸德明為漢王師令玄恕就其家行束脩禮德明耻之故服巴豆散對之遺利竟不與語世充聽朝語詞重複百司疲於聽受御史大夫蘇良諫曰陛下語太多而無領要計云爾即可何煩許辭世充不

能集覽

對之遺利故意服藥而對元恕遺矢泄痢也

改集覽

領要綱領樞要也要一音伊消反凡持衣必

執領與要故無所操持者以無領要為質實

祖綱注

計云爾即可計度只如此說亦可矣

質實

見漢章

帝元和二年台鼎注見唐高宗開耀元年法駕注見

漢高后八年路國注見周報王五十三年上黨行東

修禮語自行束脩以上吾未嘗無誨焉注脩

脯也十脰為束古者相見必執贄以為禮

夏王建德立楊政道為鄆公

建德聞王世充自立乃絕之始建天子旌旗出入警

蹕立隋齊王暕遺腹子政道為鄆公然猶倚突厥以

壯兵勢隋義成公主遣使迎蕭后建質實

德遣之又傳字文化及首以獻公主質實

警蹕注見

年鄆國名注見陳

宣帝太建十二年

定楊可汗武周圍唐并州齊王元吉拒却之鄭主世
充取唐伊州總管張善相死之○唐遣安興貴襲執涼
主軌以歸殺之河西平

李軌將安修仁兄興貴仕長安表請說軌唐主曰軌
阻兵恃險豈口舌所能下興貴曰臣家在涼州夷世
豪望為民夷所附弟修仁為軌所信任子弟在機近
者以十數軌聽臣固善若其不聽圖之易矣唐主乃
遣之興貴至乘間說軌曰涼地不過千里土薄民貧
今唐起太原取函秦宰制中原戰勝攻取此殆天啓
非人力也若往歸之則竇融之功復見於今日矣軌
曰吾據山河之固彼若我何汝自唐來為唐游說耳
興貴退與脩仁陰結諸胡起兵擊軌軌敗嬰城自守
興貴徇曰大唐遣我來誅李軌敢助之者夷三族城

中人爭出軌計窮興貴執之以聞河西悉平鄧曉在
長安舞蹈稱慶唐主曰汝為人使臣聞國亡而不戚
既不忠於李軌其肯為朕用乎遂廢之終身軌
至長安伏誅以興貴脩仁為左右武侯大將軍質實
太原郡名注見齊明帝建武三年并州函秦注見晉
安帝義熙十三年中原注見唐元宗天寶十五載寶
融之功事在漢光武建武十二年夷三族注見
秦二世二年河西郡名注見漢安帝元初元年

書法

書遣襲何譏也王者之師不若是矣

五月鄭主世充弒隋主侗

世充以尚書裴仁基裴行儼有威名忌之仁基父子
知之亦不自安乃與尚書左丞宇文儒童等謀殺世
充復立隋主事世皆夷三族齊王世暉言於世充曰
儒童等謀反正為隋主尚在故也不如早除之世充

遣人酖之隋主請與太后訣不許乃布席禮佛曰願自今以往不復生帝王家飲藥不能絕以帛縊殺之
諡曰恭
皇帝

六月定楊將宋金剛擊唐并州唐以裴寂為總管拒之

初易州賊宋金剛有衆萬餘為竇建德所敗西奔劉武周武周得之甚喜號曰宋王委以軍事金剛說武周圍晉陽南向以爭天下武周從之使將兵寇并州武周進陷介州唐主以為憂裴寂請自行聽以便宜從事
質實
易州注見周世宗顯德六年介州注見周威烈王二十三年

秋七月唐置十二軍

置十二軍分統關內諸府皆取天星為名每軍將副各一人督以耕戰之務由是士馬精彊所向無敵

集覽

置十二軍初折關中為十二道後又更置為十二軍萬年道為參旗軍長安道為鼓旗軍富平

道為元戎軍醴泉道為井鉞軍同州道為羽林軍華州道為騎官軍寧州道為折威軍岐州道為平道軍

幽州道為招搖軍西麟道為苑遊軍涇州道為天紀軍宜州道為天節軍

唐以徐圖朗為兗州總管

海岱賊帥徐圖朗以數州降唐唐以為總管

鄭將羅士信降唐

先是士信從李密擊世充兵敗為世充所得世充厚禮之與同寢食既而得郛元真等待之如士信士信耻之故降唐唐以為

質實

陝州注見周顯王四十五年

鄭人侵唐穀州刺史任瓌大破之○西突厥高昌遣使入貢于唐

初西突厥曷婁那可汗入朝于隋隋人留之國人立其叔父號射匱可汗射匱者達頭可汗之孫也既立拓地東至金山西至海遂與北突厥為敵建庭於龜茲北三彌山射匱卒弟統葉護可汗立統葉護勇而有謀北并鐵勒控弦數十萬據烏孫故地又移庭於石國北千泉西域諸國皆臣之葉護各遣吐屯監之督其征賦至**集覽**統葉護突厥大臣曰葉護統其名是入貢于唐也葉失涉反吐屯突厥大臣之官稱**質實**北一統志云金山在遼東指揮使司三萬衛西北三百五十里遼河北岸綿亘三百餘里龜茲西域國名注見漢桓帝永壽元年鐵勒高車部號注見宋文帝元嘉七年控弦注見漢帝元更始二年

烏孫西域國名注見漢武帝元狩元年石國注見唐高宗顯慶二年

八月唐鄴公薨考異

提要薨作卒按凡例失尊曰卒考

證薨當作卒

謹按凡例曰失尊曰卒注云如周報漢獻之類隋公為鄴公則亦曹奐之類矣故亦當書卒

質實

鄴縣名注見皇泰元年

諡曰隋恭帝

書法

書薨何廢帝也自晉書陳留王曹奐卒是後代興之際廢主皆弒無有以卒書者於是復

見若唐者可謂近厚矣其永世也宜哉綱目前書選用其宗室此書唐鄴公薨皆予之也終綱目自分王外書薨十四詳晉武帝太安元年而廢帝書薨者二晉海西公唐鄴公

夏王建德取唐邢滄洛相州

建德將兵十餘萬陷邢滄趣洛相淮
安王神通不能拒就李世勣於黎陽
質實邢滄二州名邢注見

楚義帝元年滄注見晉穆帝永和六年洛相二州名
洛注見漢武帝元狩四年廣平相注見漢元帝建昭

二年魏郡黎陽郡名注
見漢成帝綏和三年

梁王師都以突厥寇延州唐總管段德操擊破之考異

王當作主
寇當作侵

梁師都與突厥合數千騎寇延州唐總管段德操初
以兵少不敵閉壁不戰伺師都稍怠遣副總管梁禮
將兵擊之戰方酣德操以輕騎掩擊其後師都軍質
潰逐北二百餘里破其魏州虜男女二千餘口

實

廷州注見梁武帝普通六年遼北注見周赧王三十一年魏州注見漢成帝綏和二年

梁主銑遣兵侵唐峽州刺史許紹擊破之

先是唐主遣開府李靖詣夔州經畧蕭銑靖至峽州阻銑兵久不得進唐主怒其遲留陰敕許紹斬之紹

惜其材為之奏請獲免

集覽

遲留注見漢和帝永元四年

質實

夔州注見漢獻帝建安十

九年巴東峽州注見周赧王三十七年夷陵許紹安州安陸人

唐殺其民部尚書劉文靜

文靜自以才畧功勲在裴寂之右而位居其下意甚不平寂數有妖弟文起召巫厭勝文靜有妾無寵使其兄上變告之唐主以文靜屬吏遣寂問狀文靜曰建義之初忝為司馬計與長史位望畧同今寂為僕

射據甲第臣官賞不異衆人東西征討老母留京師
風雨無所庇實有缺望之心唐主曰觀此言反明白
矣李綱蕭瑀皆明其不反秦王世民為之固請曰昔
在晉陽文靜先建非常之策始告寂知及克京城任
遇懸隔今文靜缺望則有之非敢謀反寂曰文靜才
畧過人性復麤險天下未定留之必貽後患唐主素
親寂低徊久之卒用寂言殺文靜藉沒其家胡氏曰
文靜首唱大謀賞不酬勲又以讒死而太宗不能力
救何也曰非不能也不敢也文靜晉陽引寂見世民
之時有漢高魏武之比而未嘗歸心高祖寂則高祖
所厚而世民所薄也其不敢力諫為是也歟在世民
則當然而李綱蕭瑀不能數批逆鱗使勲舊冤死其
責大矣為文靜者功名已著退以全身何善如之
而乃芥蒂自取積毒其材智雖高而識量淺矣

集

覽

上變告注見漢高帝九年缺望注同上六年低回
注見隋文帝開皇十二年批逆鱗史記荅軻傳批

其逆鱗正義曰批白結反索隱曰批觸擊也司馬彪曰批反擊也又韓非傳曰龍之為蟲可擾狎而騎也然其喉下有逆鱗徑尺人有嬰之則必殺人主亦有逆鱗說之者能無嬰之則幾矣

質實

勝

注見漢章帝建初七年甲第注見漢桓帝元嘉元年京師注見周顯王二十五年

發明

唐自開國以來政事施設見于綱目之所書者始亦頗有可觀如定律令置學校選用隋

氏宗室旌擢孫伏伽李素立之類皆足以興起人心無愧於興王之業然而大明方升薄蝕隨至於是真樂工於朝列擢亡國之佞臣今又殺其建義之士政事日益舛駁良由唐祖非有聖哲之姿特以天命在唐又有太宗以為之子故能芟刈群雄削平四海耳不然未見其可也文靜之死秦王為主之固請所言非不明白猶不能免然則唐之濫殺為可知矣是以書法如此惜哉

沈法興稱梁王於毘陵李子通稱吳帝於江都

沈法興稱梁王都毘陵性殘忍專尚威刑其下離怨時杜伏威據歷陽陳陵據江都李子通據海陵俱有窺江表之心子通攻江都充之稜奔

質實

毘陵郡名注見隋煬

大業十二年歷陽郡名注見漢冲帝永嘉元年江都縣名注見漢獻帝興平元年海陵縣名注見周世宗五年

顯德

杜伏威降唐唐以為和州總管質實

和州注見漢冲帝永嘉元年

○

唐裴寂軍潰定楊可汗武周取并州齊王元吉奔長安

裴寂至介休金剛擊之寂軍潰自晉州以北城鎮俱沒寂表謝罪唐主慰諭之復使鎮撫河東劉武周進

逼并州元吉紿其參佐夜攜妻妾奔還長安唐主怒謂李綱曰元吉未習時事故遣竇誕宇文歆輔之晉陽疆兵數萬食支十年興王之基一旦棄之聞歆首畫此策我當斬之綱曰王年少驕逸誕曾無規諫又掩覆之今日之敗誕之罪也歆諫王不悛尋皆聞奏乃忠臣也豈可殺哉唐主悅引綱升御坐曰我得公遂無濫刑元吉自為不善非二人所能禁也并誕赦之武周據太原遣宋金剛攻晉州拔之進逼絳州陷龍門介休縣名注見周威烈王二十三年西河晉州注見漢獻帝建安七年絳州注見宋文帝元嘉三十三年東雍州龍門縣名注見文帝仁壽三年

發明

書裴寂軍潰而不聞抵裴寂軍潰之罪書武周取并州元吉奔長安而不聞正元吉失守

之誅蓋裴寂高祖之所昵而元吉則其鍾愛者也政刑若此何以為開基之主乎

唐殺西突厥曷娑那

曷娑那在長安北突厥遣使請殺之唐主不許羣臣皆曰保一人而失一國後必為患秦王曰人窮歸我殺之不義久之引曷娑那入內殿既而送中書省縱北突厥使者殺之質實突厥北狄種名注見

梁武帝大同十一年

書法

宇文泰叔柔然付突厥使者綱目書突厥取而殺之此亦北突厥使者殺之也書唐殺之

何罪唐也西魏受制突厥書曰突厥取而殺之譏不立耳唐方盛時非西魏比而縱使殺之然則非突厥殺之唐殺之矣

發明

昔晉執戎蠻子赤以畀楚師春秋深惡其以中國而聽命夷狄故特書歸于楚若京師楚

然者所以深罪晉之不競也西魏時宇文泰收柔然付突厥使者綱目特書柔然可汗奔魏突厥取而殺之亦以著宇文氏之罪而深惡之也昌黎那在長安前已書唐封之為歸義王其名甚正今唐主乃縱突厥殺之不義甚矣且夫群臣之言者利也秦王之言者義也捨義就利何以為國綱目特以唐殺書之蓋惡中國之聽命夷狄故以特筆諱之若中國自殺然者既以歸罪於唐又以見尊中國之義不使突厥得殺之於唐也然則西魏昌不書魏殺柔然乎曰拓跋宇文皆夷狄耳固非有唐之比書取而殺之則明其不能立國受制突厥之罪而已一輕一重之間而義利之分夷夏之辨昭然在日夫宣薄於魏而厚於唐哉

唐以李綱為太子少保

初綱以尚書領太子詹事太子建成始甚禮之久之
漸昵近小人以秦王世民功高忌之綱屢諫不聽乃
乞骸骨唐主罵曰卿為何潘仁長史乃耻為朕尚書
邪綱曰潘仁賊也每欲妄殺人臣諫之則止為其長
史可以無愧陛下創業明主臣所言如水投石於太
子亦然臣何敢久污天臺辱東朝乎唐主曰知公直
士免留輔吾兒以為太子少保尚書詹事如故綱復
諫太子飲酒無節及信讒慝踈骨肉太子不憚綱固
稱老病辭職乃解尚書仍為少保唐主嘗考第羣臣
以綱及孫伏伽為第一謂裴寂曰隋以主驕臣諂亡
天下朕即位以來每虛心求諫唯綱盡忠款伏伽誠
直餘人皆踵弊風貌眉而已豈朕所望哉朕視卿如
愛子卿當視朕如慈父

集覽

初何潘仁西域商胡也
質

實

詹事東宮官名注見唐高祖武德
七年東朝注見漢武帝元光四年

夏王建德取唐趙州

建德陷趙州執總管張志昂慰撫使張道源以其不早下欲殺之國子祭酒凌敬曰人臣各為其主用彼堅守不下乃忠臣也大王殺之何以勵羣下乎建德怒不解敬曰大王使高士興拒羅藝於易水藝纔至興即降大王以為何質實趙州注見漢景帝三年趙國易水注見秦王政二十年

冬唐賜羅藝姓李氏藝破夏兵於衡水質實

一統志云衡水縣名

本漢信都國桃縣地隋分信都武邑下博三縣地置衡水縣屬冀州大業初屬信都郡唐宋金皆屬冀州元割屬深州至本朝因之改屬真定府

○定楊將宋金剛取滄州唐遣秦王

世民擊之

宋金剛攻澧州陷之軍勢甚銳裴寂懼無將畧唯
趣民入堡焚其積聚民驚擾愁怨悉起為盜寂討之
為所敗詔永安王孝基等討之時王行本據蒲坂猶
未下亦與武周相應關中震駭唐主曰賊勢如此難
與爭鋒宜棄大河以東謹守關西而已秦王世民請
曰太原王業所基國之根本河東股實京邑所資若
舉而棄之臣竊憤恨願假臣精兵三萬必平殄武周
克復汾晉唐主於是發關中兵以益世民使擊武周
集覽 澧州本絳州翼城縣唐武德元年置澧州二年
改昆薄州四年州廢屬絳州戰國魏敗韓趙之
師于澧即此
澧古外反
質實 一統志云澧州本春秋時晉絳邑
後更曰翼漢為絳縣地後魏置北
絳郡及北絳縣隋初郡廢又改為翼城縣屬絳州義
寧初於縣置翼城郡唐初郡廢置澧州後廢州復屬

絳州金改翼州元復為翼城縣屬絳州至本朝因之
改屬平陽府蒲阪縣名注見周報王三十年中陽永
安縣名注見上十二年閩中注見唐元宗開元十一
年京兆汾晉二州名汾注見周威烈王二十三年晉
注見漢獻帝建安七年河東

夏王建德克唐黎陽虜淮安王神通李世勣降遂定衛
滑齊兗等州

竇建德進趣衛州過黎陽二十里自將千騎前行世
勣遣騎將丘孝剛偵之與建德遇擊之建德敗走其
大軍救之斬孝剛建德怒還攻黎陽克之虜淮安王
神通及世勣父蓋魏徵等世勣走免數日以父故還
詣建德降建德使守黎陽而以其父為質以魏徵為
起居舍人滑州刺史王執奴殺執攜其首詣建德降

建德曰奴殺主大逆立命斬奴反軌首於滑州吏民
感悅即日請降於是其旁州縣及徐圓朗等皆望風
歸附建德還洛
集覽 黎陽今滑州本漢黎陽縣又黎
州築宮徙都之
黎州宋置通利軍陞滑州在滑州西北二十五里傾
之傾通作通丑正反覘也闕伺也博雅曰傾問也父
蓋世勸之
質實 衛州注見秦王政六年朝歌一統志
父名蓋
地秦漢皆為東郡地晉為濮陽國地劉宋於此置兗
州及東郡後魏罷兗州以東郡屬司州後周改杞州
隋改滑州大業初改東郡唐復為滑州天寶初改靈
昌郡乾元初復為滑州後置義成軍光啓初改宣義
軍宋改武成軍後改滑州金初隸開封府後隸大名
府元仍舊至本朝初改為縣以白馬縣省入改屬大
名府齊州注見漢景帝三年濟
南兗州注見漢獻帝興平二年

鄭主世充狗地至滑臺唐汴亳州降之質實

滑臺地名注見宋文

帝元嘉二十七年汴州注見周顯王二十九年亳州注見漢獻帝建安十四年

○唐以夏侯端

為祕書監

初唐主遣大理卿郎楚之安撫山東祕書監夏侯端安撫淮左端至蔡陽李世勣發兵送之自澶淵濟河傳檄州縣東至於海南至於淮二十餘州皆遣使來降行至譙州會汴毫降於王世充還路遂絕端素得衆心所從二千人雖糧盡不忍委去端謂曰卿等鄉里皆已從賊可斬吾首歸賊必獲富貴衆皆曰公於唐室非有親屬直以忠義志不圖存某等雖賤心亦人也寧有害公以求利乎乃復同進潛行五日餒死及遇賊奔潰唯存五十一人時南河之地皆入世充唯杞州刺史李公逸為唐堅守遣兵迎端館給之世

充遣使召端解衣遺之送除書以端為淮南郡公端對使者焚書毀衣曰夏侯端天子大使豈受王世充官乎汝欲吾往唯取吾首耳因解節旄懷之置刃於竿自山中西走冒踐荆棘晝夜兼行得達宜陽從者墜崖溺水為虎狼所食又喪其半端詣闕見唐主但謝無功初不自言艱苦唐主復以為祕書監楚之至山東亦為竇建德所獲楚之不屈竟得還王世充攻雍丘李公逸遣使求救唐主以隔賊境不能救公逸乃留其屬李善行守雍丘身率輕騎入朝至襄城為世充所獲世充謂曰卿越鄭臣唐其說安在公逸曰我於天下唯知有唐不知有鄭世充怒斬之善行亦沒

集覽 澶淵左傳襄二十一年盟于澶淵杜預曰澶淵在頓邱縣南今名繁汙此衛地又近戚田澶市然反汙音紆五代周至宋皆名澶州取古澶淵為名也今大名府開州是

質實 一統志云澶淵古地名也州在府南百六十里

春秋時屬衛秦為東郡

地漢為頓邱縣地屬魏郡晉為頓邱郡及魏郡地隋為東郡及武陽郡地唐置澶州又分置澶水縣貞觀中州廢以縣屬魏州後復置五代晉陞鎮寧軍宋陞開德府治濮陽縣金復為澶州後改為開州屬大名府元仍舊至本朝因之以濮陽東明縣省入仍屬大名府淮水名注見漢後主建興二年譙州注見漢獻帝建安十五年杞州注見漢桓帝延熹四年雍邱淮南郡注見漢明帝永平十三年節旄注見唐德宗興元元年宜陽縣名注見周安王十一年雍丘縣名注見漢桓帝延熹四年襄城縣名注見周赧王十五年

十一月唐秦王世民擊宋金剛屯柏壁

秦王世民引兵自龍門度河屯柏壁與金剛相持民聞世民來莫不歸附至者日多然後漸収其糧軍食以充乃休兵秣馬唯令偏裨乘間抄掠大軍堅壁不戰由是賊勢日衰永安王孝基等攻賊黨呂崇茂崇

茂求救於金剛金剛遣其將尉遲敬德尋相將兵奄至夏縣虜孝基等敬德等將還世民遣兵部尚書殿開山等邀之於美良川大破之頃之敬德相潛引精騎援王行本於蒲阪世民自將步騎三千從間道邀擊又大破之敬德僅以身免遂俘其衆復歸柏壁諸將咸請與金剛戰世民曰金剛懸軍深入兵精將猛虜掠為資利在速戰我閉營養銳以挫其鋒分兵汾隰衝其心腹彼糧盡計窮自當遁走當待此機未宜速戰孝基謀逃

集覽

柏壁城名也在汾州介休縣抄掠抄去聲並畧取也掠與畧同

左傳襄二十一年樂孟出奔過於周周西鄙掠之注音亮奪也尋相姓名也夏縣屬解州在平陽路括地志云解州安邑故城是美良用在蔚州廣靈縣南屬上都汾隰隰本漢蒲子縣隋置隰州今屬平陽汾本西河郡後魏置

質實

一統志云柏壁城名在平陽府絳州西南二十里後魏東雍州

正平郡治此後周改絳州移於稷山縣之王壁城尉遲敬德朔州鄆陽人夏縣本禹所都之地漢為安邑縣境後魏太和中別置南安邑縣改為夏縣以禹舊都故名隋初屬虞州後屬河東郡唐屬絳州乾元初改屬陝州金元屬解州入本朝因之改屬平陽府汾隍二州名汾注見周報王二十三年西河隰注見晉懷帝永康二年蒲子

夏人克鄭新鄉虜其將劉黑闥

李世勣欲歸唐恐禍及其父謀於郭孝恪孝恪曰吾新事實氏動則見疑宜先立效以取信然後可圖也世勣從之襲王世充獲嘉多所俘獲以獻又擊新鄉虜其將劉黑闥竇建德由是親之黑闥漳南人少驍勇與建德善後事王世充常竊笑其所為世充使守新鄉至是建德署為將軍使將奇兵東西掩襲往來

乘間奮擊克獲而還於是世勣說建德曰曹戴二州戶口完實孟海公竊有其地今以大軍取之而臨徐充則河南可不戰而定矣建德然之欲自將以徇河南先遣其行臺曹旦等將兵五萬濟河世勣引兵三千會

集覽

獲嘉徐廣曰城名在懷州武陟縣境內案輿地要覽今衛州獲嘉縣是

質實

新鄉縣名注見梁均王龍德二年曹州注見漢光武建武八年一統志云戴州本漢城武縣屬山陽郡東漢屬濟陰郡晉屬濟陽郡北齊於此置永昌郡隋初罷郡置戴州大業初廢州以縣屬濟陰郡唐貞觀中屬曹州五代唐屬單州宋金元因之至本朝初改屬濟寧府後改屬兗州府徐充二州名徐注見秦始皇二十八年彭城充注見漢獻帝興平二年漳南注見秦二世三年

庚唐武德三年○是歲并楚夏定楊梁師都
辰梁銑鄭梁法興吳凡九國定楊梁法興亡
春正月唐

欽定四庫全書

御批資治通鑑綱目

卷三十三

三

克蒲反隋守將王行本降集覽

蒲反反本作阪注見周報王十二年蒲阪

行本糧盡援絕乃出降斬之

李世勣復歸于唐

李世勣謀侯建德至河南掩襲其營殺之冀得其父并建德土地歸唐建德久之不至曹旦在河南多侵擾諸賊羈屬者皆怨之世勣以謀告中渾賊帥李商胡之母霍氏霍氏亦善騎射號霍總管令商胡召旦偏裨飲皆殺之乃遣人告世勣世勣欲襲其營聞已有備遂與郭孝恪帥數十騎奔唐建德羣臣請誅李蓋建德曰世勣唐臣為我所虜不忘本質實中渾城朝乃忠臣其父何罪遂赦之旦取濟州質實名注見陳宣帝太建七年濟州注見晉帝奕太和元年高平

定楊取唐長子壺關質實

長子縣名注見周威烈王二十三年壺關縣名注見漢獻

帝建安七年

○唐工部尚書獨孤懷恩謀反伏誅

初獨孤懷恩攻蒲坂久不下唐主數謂讓之懷恩由是怨望唐主嘗戲謂之曰姑之子皆已為天子次應至舅之子乎懷恩亦頗以此自負時扼腕曰我家豈女獨貴乎遂與麾下元君寶謀反會懷恩君寶與唐儉劉世讓皆沒於尉遲敬德君寶謂儉曰獨孤尚書近謀大事若能早決豈有此辱哉及美良川之戰懷恩逃歸唐主復使攻蒲坂儉恐懷恩遂成其謀說敬德使劉世讓還與唐連和遂以懷恩反狀聞時王行本已降懷恩入據其城唐主欲幸懷恩營已登舟矣世讓適至唐主大驚曰吾得免豈非天也乃使召懷恩懷恩未知事露質實扼腕注見漢武帝元朔輕舟來至遂誅之質實元年劉世讓京兆人

突厥立楊政道為隋主

居定襄
質實
定襄郡名注見晉懷帝永嘉六年

二月唐改官名

納言為侍中內史
令為中書令

唐以封德彝為中書令

書法

始正官名而百僚之長首用若人唐之官不足貴矣綱目比而書之深譏之也

發明

唐改官名內史令為中書令是矣然始居是職者乃姦邪誤國從賊詬君之人耳唐不能

取而尸諸市反從而寵秩之况中書令師長百僚乃以斯人為之其為是職之累多矣直書于冊其

失自

見

夏四月唐秦王世民擊宋金剛破之定揚可汗武周及

金剛皆走死

宋金剛戰屢敗食盡北走秦王世民追及尋相於呂
州大破之乘勝逐北一晝夜行二百餘里戰數十合
總管劉弘基諫曰大王逐北深入不已不愛身乎且
士卒饑疲宜留壁於此俟兵糧畢集復進未晚也世
民曰金剛計窮而走衆心離沮功難成而易敗機難
得而易失必乘此勢取之若更淹留使之立備成不
可復攻矣吾竭忠殉國豈顧身乎遂策馬而進將
士不敢復言饑追及金剛於雀鼠谷一日八戰皆破
之俘斬數萬人世民不食二日不解甲三日矣軍中
止有一羊與將士分食之引兵趣介休金剛以衆二

萬出西門背城布陳南北七里李世勣與戰小却世民帥精騎擊之出其陳後金剛大敗敬德尋相舉介休及永安降世民得敬德甚喜使將其舊衆八千與諸營相參屈突通慮其為變驟以為言世民不聽劉武周聞金剛敗大懼棄并州走突厥金剛欲復戰衆莫肯從亦走突厥世民入并州武周所得州縣皆入于唐唐以唐儉為并州道安撫大使李仲文為總管未幾金剛謀走上谷突厥追獲腰斬之武周之南冠也其黨苑君璋諫曰唐主舉一州之衆直取長安所向無敵此乃天授非人力也不如北連突厥南結唐朝南面稱孤足為長策武德不聽及敗泣謂君璋曰不用公言以至於此久之謀亡歸馬邑事泄突厥殺之而使君璋質實一統志云呂州隋初所置即後魏統其餘衆之永安郡後廢之故城在平陽府霍州西三里又注見隋煬帝大業十三年霍邑崔鼠谷注同上十一年并州注見齊明帝建武三年上谷

或於誕
日遂以老
祖而為之
王高宗明
懷張其說
不疑何所

郡名注見秦王政三年馬
邑郡名注見漢高帝六年

五月夏人侵唐幽州不克

竇建德遣兵擊幽州李藝再擊破之建德大將王伏
寶勇畧冠軍中諸將疾之言其謀反建德殺之伏寶
曰大王奈何聽讒
自斬左右手乎

唐立老子廟

晉州人吉善行自言於羊角山見白衣老父曰為吾
語唐天子吾為老君吾而祖也詔於其地立廟范氏
曰唐祖老子由妖人之言而謠諛者附會之高祖啓
其原高宗明皇扇其風遂用方士之言而躋之於上
帝卑天誣祖
悖道甚矣 質實 一統志云羊角山在平陽府浮山
縣東南三十五里兩峰對峙東南

峰有華池今更名龍角山老子廟在龍角山上唐武德中神見此山遂立有御製碑存焉

書法

書老子廟何譏誣也故通鑑不書綱目持書之

發明

唐信妖人之言而祖老子綱目止以立老子廟書之者不予其祖之也

六月顯州人殺唐行臺楊士林以降于鄭質實

顯州注見齊武

五年帝永明○秋七月唐遣秦王世民督諸軍伐鄭

初王世充所部降唐者相繼世充令一人亡叛舉家就戮父子兄弟夫婦許相告而免之舉家亡者四鄰皆坐誅而亡者益甚又以宮城為大獄意所忌者并繫其家屬繫者不下萬口餒死者日有數十至是唐主議擊之世充聞之選諸州鎮驍勇皆集洛陽七月唐詔秦王世民督諸軍擊世充屈突通二子在洛陽

唐主謂通曰今欲使卿東征如卿二兒何通曰臣肯
為俘囚分當就死陛下釋縛加以恩禮當是時臣心
口相誓期以更生餘年為陛下盡節但恐不獲死所
耳今得備先驅二兒何足顧乎唐主嘆曰徇義之士
一至此乎秦王世民遣行軍總管史萬寶自宜陽南
據龍門劉德威自太行東圍河南王君廓自洛口斷
其餉道黃君漢攻迴洛城大軍屯于北邙連營以逼
之世充陳於青城宮世民亦置陳當之世充隔水謂
世民曰唐帝關中鄭帝河南世充未嘗西侵王忽舉
兵東來何也世民使應之曰四海咸仰皇風唯公獨
阻聲教為此而來世充曰相與息兵講好不亦善乎
又應之曰奉詔取東都不令講好也至暮各引兵還
胡氏曰唐帝長安鄭帝洛陽迹其所以取之未有大
相過者故王世充有隔水之問而秦王所以答之者
語雖大而理不暢也使唐初舉事若湯伐桀武伐紂
沛公誅無道秦則其文告之辭豈止如是而已乎

集覽

文告之辭謂以大義作為文辭以告曉其衆庶如湯伐桀作湯誓武王伐紂作秦誓之類也左

傳昭十三年告之以

質實

洛陽縣名注見周顯王三年太行山名注見周安王

文辭董之以武師

十六年河內郡名注見宋順帝昇明元年洛口地名注見隋煬帝大業十三年北邙山名注見漢靈帝中平六年一統志云青城宮在河南府洛陽縣治北隋大業初所建東都注見秦莊襄王元年三川

九月鄭顯州總管田瓚以二十五州降唐

自是襄陽聲問與世充絕

質實

襄陽郡名注見漢獻帝建安十二年

唐攻鄭轅轅拔之

秦王世民遣王君廓攻轅轅拔之遂東徇地至管城而還先是世充將郭士衡等掠唐境君廓以策擊却

之詔勞之曰卿以十三人破賊一萬自古以少制衆未之有也於是河南州縣相繼降唐劉武周降將尋相等多叛去諸將疑尉遲敬德囚之屈突通殷開山言於世民曰敬德驍勇絕倫留之恐為後患不如殺之世民曰敬德若叛豈在尋相之後邪遽命釋之引入臥內賜之金曰丈夫意氣相期勿以小嫌介意吾終不信讒言以害忠良公宜體之必欲去者以此金相資表一時共事之情也世民以五百騎行戰地世充帥步騎萬餘猝至圍之單雄信引樂直趣世民敬德躍馬大呼橫刺雄信墜馬翼世民出圍更帥騎兵還戰屈突通引大兵繼至世充大敗僅以身免世民謂敬德曰公何相報之速也自是寵遇日隆

集

覽

輟轅注見秦二世三年

質實

管城縣名注見梁武帝普通六年

鄭漢州降唐

初王世充以邳元真為滑州行臺僕射李密故將杜才幹守濮州恨元真叛密詐以其眾降之元真自往招慰才幹迎入就坐執而數之曰汝本庸才魏公置汝元僚不建毫髮之功乃構滔天之禍今來送死是汝之分遂斬之遣人齎其首質實濮州注見周安王至黎陽祭密墓以濮州降唐質實濮州注見周安王五年濮陽一統志云李密墓在大名府濟縣東三里大伾山之西

冬十月夏王建德圍幽州高開道遣使降唐

竇建德之圍幽州也李藝告急于高開道開道帥二千騎救之建德引兵去開道因藝遣使降唐唐以為蔚州總管賜姓李氏封北平郡王建德帥眾二十萬復攻幽州兵已攀堞薛萬均萬徹帥敢死百人從地道出其背擊走之質實蔚州注見楚義帝元年代北平郡注見秦王政三年

鄭管榮汴州降唐

李密之敗也揚慶歸洛陽王世充以為管州總管秦
王世民逼洛陽慶潛遣人請降世民遣總管李世勣
將兵往據其城時世充太子玄應鎮虎牢軍于榮汴
之間聞之引兵趣管城李世勣擊却之榮州刺史魏
陸陽城令王雄汴州刺史王要漢皆來
降玄應聞諸州皆叛大懼奔還洛陽
質實管州注見梁武
帝普通六年虎牢關名注見晉帝奕太和四年榮汴
二州名榮注見梁武帝普通六年鄭城汴注見周顯
王二十九年大梁陽城縣名
注見隋場帝大業十三年

突厥處羅可汗死弟頡利可汗咄苾立

初梁師都說突厥處羅可汗曰比者中原喪亂分為
數國勢均力弱故皆北面歸附突厥今定楊既亡天

下將悉為唐有師都不辭灰滅亦恐次及可汗不若
及其未定南取中原師都請為鄉導處羅從之謀大
舉入寇而卒立其弟莫賀

集覽

定楊突厥立劉武周

吐設吐苾號頡利可汗

設吐苾吐當沒反苾蒲結反突厥別部典兵者曰設
莫賀吐其設之號吐苾其名也先為莫賀吐設今立

為可汗

質實

中原注見唐元
宗天寶十五載

鄭遣使如夏乞師

初王世充侵黎陽竇建德襲破其殷州以報之自是
二國交惡信使不通及唐兵逼洛陽世充遣使求救
於建德夏中書侍郎劉彬曰天下大亂唐得關西鄭
得河南夏得河北共成鼎足之勢今鄭舉兵臨鄭鄭
地日蹙唐疆鄭弱勢必不支鄭亡則夏不能獨立矣
不如解仇除忿發兵救之夏擊其外鄭攻其內破唐

必矣唐師既退徐觀其變若鄭可取則取之併質實
二國之兵乘唐師之老天下可取也建德從之

殷州注見隋恭
帝皇泰二年

十二月鄭許亳等十一州降唐質實

許州注見漢後主
建興十年許昌亳

州注見漢獻帝建
安十五年黠邑

○唐峽州兵伐梁拔荆門鎮

梁主蕭銑性褊狹多猜忌諸將恃功恣橫好專誅殺
銑患之乃宣言罷兵營農實欲奪諸將之權大司馬
董景珍弟為將軍怨望謀作亂事泄伏誅景珍時鎮
長沙據郡降唐唐遣峽州刺史許紹出兵應之紹即
攻梁拔荆門鎮銑遣其將張繡攻長沙景珍謂曰前
年醢彭越往年殺韓信卿不見之乎何為相攻繡不
應景珍欲走為麾下所殺銑以繡為尚書令繡恃功
驕橫銑又殺之由是功臣諸將皆有離心兵勢益弱

紹所部與梁鄭鄰接二境得紹士卒皆殺之紹得二境士卒皆資給遣之敵人愧感不復侵掠境內以安

集覽

荆門鎮今荆門軍屬江陵府又南郡夷陵縣江南岸有荆門山其山上合下開有門象焉故曰

荆門與江北虎牙山相對前年醢彭越往年殺韓信意謂我輩皆不能免也漢高十一年黥布謀反上召

薛公問之對曰往年殺彭越前年殺韓信此二人者同功一體之人也自疑禍及身故反耳顏師古注往

年與前年同質實長沙郡名注見漢獻帝興平元年文相避耳

荆門鎮注見晉武帝太康元年

吳主子通敗梁兵取京口杜伏威擊之子通敗走襲梁

梁王法興走死

李子通度江攻沈法興取京口法興敗走吳郡於是
丹陽毘陵等郡皆降於子通杜伏威遣輔公祐攻之
子通大敗棄江都保京口江西之地盡入於伏威伏
威徙居丹陽子通復東走太湖收合亡散得二萬人
襲沈法興於吳郡大破之法興赴江湖死子通軍勢
復振帥其群臣徙都餘杭盡取法興之地北自太湖
南至嶺東包會稽
西距宣城皆有之
質實
京口郡名注見晉成帝咸和
三年丹陽郡名注見漢獻帝建安
三年丹陽郡名注見漢獻帝興平
二年毘陵郡名注
見隋煬帝大業十二年江都縣名注見漢獻帝興平
元年一統志云太湖在蘇州府城西南五十里禹貢
謂之震澤周公爾雅謂之具區史記國語謂之五湖
圖經以貢湖游湖胥湖梅梁湖金鼎湖為五魏常昭
以胥湖蠡湖洮湖漚湖與太湖為五吳虞翻云水通
五道謂之五湖其地跨蘇常嘉湖四府界餘杭縣名
注見隋煬帝大業六年會稽郡名注見漢和帝永元

元年宣城郡名注見
漢明帝永平十二年

辛唐武德四年○是歲夏鄭梁
已銑吳亡并楚梁師都凡三國春正月唐黔州兵攻梁

拔其五州四鎮質實

一統志云黔州本漢武陵郡之酉
陽縣地自孫吳至梁並為黔陽縣

地隋置彭水縣為黔州治所宋以杜洪洋水信寧都濡
四縣省入紹定初陞州為紹慶府元為紹慶路縣仍舊
本朝省路改
屬重慶府 ○唐秦王世民擊鄭鄭主世充與戰敗走

秦王世民選精銳千騎皆皂衣玄甲分為左右使秦
叔寶程知節尉遲敬德翟長孫將之每戰自被玄甲
帥之以為前鋒所向摧破敵人畏之屈突通將兵行
屯猝遇王世充戰不利世民帥玄甲赴之世充敗走
集覽 行屯行下孟反
巡視諸屯也

二月唐以趙郡王孝恭為夔州總管李靖為行軍總管

李靖說孝恭攻取蕭銑十策孝恭上之以孝恭為夔州總管使大造舟艦習水戰以靖為行軍總管委以軍事靖說孝恭悉召巴蜀酋長子弟量質實
夔州注才授任置之左右外示引擢實以為質
見漢獻帝建安十九年巴東巴蜀二郡名注見楚義帝元年

唐秦王世民敗鄭主世充於穀水進圍洛陽

王玄應自虎牢運糧入洛陽世民遣李君羨邀擊大破之玄應僅以身免世民奏請進圍東都唐主曰今取洛陽正欲息兵克城之日乘輿法物圖籍器械可悉收之子女玉帛分賜將士世民移軍青城壁器械未立王世充帥眾二萬臨穀水以拒之諸將皆懼世民曰賊勢窘矣悉眾而出徵幸一戰今日破之後不敢

復出矣命屈突通帥步卒五千度水擊之兵交世民引騎南下身先士卒與通合勢衆殊死戰散而復合者數四自辰至午世充兵始退世民衆兵乘之直抵城下遂圍之城中守禦甚嚴世民四面攻之旬餘不能克將士皆疲弊思歸總管劉弘基請班師世民曰東方諸州已望風款服唯洛陽孤城勢不能久功在垂成奈何棄之乃下令軍中曰敢言班師者斬衆乃不敢復言唐主亦密敕世民使還世民遣封德彝言於唐主曰世充號令所行一城而已智盡力窮克在朝夕若旋師賊勢復振後必難圖唐主從之世民又遣王君廓夜襲虎牢拔之質實東與注見漢安帝延光四年穀水注見太宗貞觀十一年班師注見陳後主禎明元年

夏王建德虜孟海公○三月唐襲夏鄴城

竇建德普樂令程名振降唐唐使將兵徇河北名振夜襲鄴俘其男女千餘人去鄴八十里閱婦人乳有渾者九十餘人悉縱集覽孔有渾說文渾乳汁也音遣之鄴人感其仁建德一統志云普樂縣名唐初所置後陷於竇

渾音

質實

建德遂廢之故城在廣平府鵝澤縣界程

名振洺州平恩人鄴縣名注見漢獻帝建安十五年

突厥寇汾陰考異

寇當

考證

寇當

突厥頡利可汗士馬雄盛有憑陵中國之志王世充使人說之曰昔啟民奔隋賴文帝之力有此土宇子孫享之今唐天子非文帝子孫宜奉楊政道代之以報文帝之德頡利然之唐主以中國未寧待突厥甚厚而頡利求請無厭言集覽啓民突厥可汗之號也辭驕慢至是寇汾陰

集覽

楊政道隋煬帝之孫齊

王暕之子隋

亡遂奔突厥

質實 汾陰縣名注見周顯王四十年

夏王建德將兵救鄭夏五月唐秦王世民大破擒之鄭

主世充降

唐主圖洛陽掘塹築壘而守之城中之食民食草木
泥餅死者相倚於道竇建德悉發孟海公徐圖朗之
衆西救洛陽陷管州榮陽陽翟等縣水陸並進兵十
餘萬軍於城臯之東原遣使與王世充相間先是建
德遺秦王世民書請退軍潼關返鄭侵地復修前好
世民集將佐議之皆請避其鋒郭孝恪曰世充窮蹙
垂將面縛建德遠來助之此天意欲兩亡之也宜據
武牢之險以拒之伺間而動破之必矣記室薛收曰
世充府庫充實所將皆江淮精銳但乏糧食故為我
持建德自將遠來亦當極其精銳若縱之至此兩寇

合從轉河北之粟以饋洛陽則戰爭方始混一無期
今宜分兵守洛陽深溝高壘勿與戰大王親帥驍銳
先據成臯以逸待勞決可克也建德既破世充自下
不過二旬兩主就縛矣世民善之蕭瑀屈突通封德
彝皆欲退保新安以乘其弊世民曰建德新克海公
將驕卒情吾扼其咽喉取之甚易若其不戰旬月之
間世充潰矣若不速進賊入武牢諸城新附必不能
守兩賊併力其勢必彊何弊乘之吾計決矣中分麾
下使通等副齊王守東都世民將驍勇三千五百人
東趣武牢正晝出兵歷北邙抵河陽趨鞏而去世充
莫測竟不敢出世民入武牢將驍騎五百出覘建德
營緣道分留使李世勣程知節秦叔寶將之伏於道
旁繞餘四騎偕進去建德營三里所建德遺兵遇之
世民大呼曰我秦王也引弓射之斃其一將建德大
驚出五六千騎逐之世民按轡徐行追騎將至則射
之止而復來如是再三世民遠巡稍却以誘之既入

欽定四庫全書

兩杜資治通鑑綱目

卷三十八

四

仗世勳等奮擊大破之建德迫於武牢累月不得進
戰數不利將士思歸世民又遣王君廓將輕騎千餘
掠其糧運凌敬言於建德曰大王宜悉兵濟河攻取
懷州河陽使重將守之遂建旗鼓踰太行入上黨徇
汾晉趣蒲津蹈無人之境拓地收兵則關中震懼而
鄭圖自解矣建德將從之而世充遣使告急又陰以
金玉啗建德諸將將皆曰凌敬書生安知戰事建
德乃謝敬敬固爭之建德怒令扶出其妻曹氏曰祭
酒之言不可違也建德曰此非女子所知也諜告曰
建德同唐牧馬於河北將襲武牢矣五月世民北濟
河南臨廣武而還故留馬千餘匹牧於河渚以疑之
建德果悉衆出牛口置陳亘二十里鼓行而進諸將
皆懼世民升高而望之謂諸將曰賊起山東未嘗見
大敵今度險而驚是無紀律逼城而陳有輕我心我
按兵不出彼勇氣自衰陳久卒饑勢將自退追而擊
之無不克矣建德列陳自辰至午士卒饑倦皆坐列

又爭飲水遂巡欲退世民命宇文士及將三百騎經建德陳西馳而南上建德陳動世民曰可擊矣世民帥輕騎先進大軍繼之直薄其陳建德方朝羣臣召騎兵使拒唐兵阻朝者不得過建德揮朝者令却進退之間唐兵已至於是大戰世民帥史大奈程知節秦叔寶等卷旆而入出於陳後張唐旗幟建德將士見之大潰建德中樂墜馬車騎將軍楊武威擒之世民讓之曰我討世充何預汝事建德曰今不自來恐煩遠取建德將士皆潰去俘獲五萬人世民即日散遣使還鄉里封德彝入賀世民笑曰不用公言得有今日遂囚建德至洛陽城下以示世充世充充議突圍南走襄陽諸將曰吾所恃者夏王今已為擒雖出終必無成世充乃素服帥其太子羣臣三千餘人詣軍門降於是部分諸軍先入洛陽分守市肆禁止侵掠無敢犯者世民乃入宮城命房玄齡收隋圖籍制詔已為世充所毀命蕭瑀等封府庫收其金帛頒賜將

士叔段達單雄信朱粲等十餘人斬之初秦王府屬杜如晦叔父淹事王世充諧如晦兄殺之又因其弟楚客餓幾死至是淹當死楚客請如晦救之不從楚客曰曩者叔已殺兄今兄又殺叔一門之內相殘而盡豈不痛哉欲自刎如晦乃為之請淹得免死秦王坐閭闔門蘇威請見稱老病不能拜世民遣人數之曰公隋室宰相危不能扶使君弑國亡見李密王世充皆拜伏舞蹈今既老病何勞相見世民觀隋宮殿歎曰逞侈心窮人欲無亡得乎命撤端門樓楚乾陽殿毀則天門闕廢諸道塲建德餘衆走至洺州欲立建德養子為主徵兵以拒唐僕射齊善行曰夏王英武士馬精彊一朝為擒易如反掌豈非天命有所屬邪今喪敗如此必無所成不若委心請命於唐乃與裴矩曹旦帥百官奉建德妻曹氏及傳國八璽請降于唐王世充弟世辯亦以徐宋等三十八州請降淮安王神通又徇下山東三十餘州世充建德之地悉

平胡氏曰凌敬之策誠善策也然長安并州將帥自
足以當建德而汾晉蒲津豈不戰所能下延引日月
適足以孤洛陽之心爾而秦王攻圍益急世充其能
不破乎既破世充北取建德不過遲時月間耳又曰
蘇威罪固大矣比之封德彝裴矩宇文士及之徒不
有間乎秦王能責蘇威而不能戮德彝等反寵任之
其失**集覽**武牢即虎牢也注見晉帝奕太和四年兩
甚矣**集覽**寇合從謂建德與世充講好也過秦論合
從締交注從與縱同將容反祭酒注見漢獻帝建安
元年薄其陳薄蒲各反又音博迫之與戰也陳讀曰
陣又注見齊和帝中興元年薄之**質實**榮陽縣名注
門閭闕注見周顯王十九年冀闕**質實**見秦莊襄王
元年陽翟縣名注見周安王二年成臯縣名注見秦
莊襄王元年潼關注見漢獻帝建安十六年而縛注
見漢順帝漢安二年薛收汾陰人道衡之子新安縣
名注見楚義帝元年河陽縣名注見漢帝元更始二

年孟津鞏縣名注見漢王邦三年懷州注見宋順帝
昇明元年上黨郡名注見周赧王五十三年蒲津關
名注見秦始皇廿六年廣武城名注見漢王邦四年
一統志云牛口峪名在真定府臨城縣西二十五里
相傳昔有童謡曰竇入牛口勢不得久竇建德為唐
兵所破走至此果被擒舊有竇王廟在焉史大奈西
突厥突勒也徐宋二州名徐注見秦始皇二
十八年彭城宋注見漢後主延熙十八年

秋七月唐以蘇世長為諫議大夫

王世充僕射豆盧行褒蘇世長以襄州來降唐主與
之皆有舊先是屢以書招之行褒輒殺使者既至長
安唐主誅行褒而以世長為諫議大夫嘗從校獵高
陵大獲禽獸唐主曰今日樂乎世長曰不滿十旬未
足為樂唐主變色既而笑曰狂態復發耶對曰於臣
則狂於陛下甚忠嘗侍宴披香殿酒酣謂唐主曰此

殷煬帝之所為邪唐主曰卿諫似直而實多詐豈不知此殿朕之所為乎對曰臣實不知但見其華侈如傾宮鹿臺非興王之所為耳昔侍陛下於武宮見所居宅僅庇風雨當時亦以為足今因隋之宮室已極侈矣而又增之將何以集覽豆盧虜復姓其先慕容矯其失乎唐主深然之氏支庶燕王鹿之族其後有自勝者降於後魏為樂郡守賜姓豆盧氏按北人以歸義為豆盧因氏焉見北史豆盧寧傳傾宮鹿臺汲冢古文曰夏桀作傾宮殫百姓之財質實蘇世商紂作鹿臺其大三里高千尺七年乃成長京兆武功人襄州注見漢獻帝建安十二年襄陽高陵縣名注見周赧王四十九年一統志云鹿臺在衛輝府淇縣南陽社商紂所築以聚天下之財周書武王散鹿臺之財即此大名府滑縣西五十里亦有之武功縣名注見漢後

主建興十二年

書法

自晉元之篇書趙以喬豫和苞為諫議大夫至是垂三百年矣於是復書予唐也前書孫

伏伽為治書侍御史繼書李素立為侍御史此書蘇世長為諫義大夫皆予之也與用士及德彝善

果之時又異矣唐初之政駁而不醇類如此終唐之世書諫議大夫十蘇世長魏徵等孫伏伽盧鴻

陽城吳通元常渠牟劉栖楚柳公權鄭朗皆美也唯吳通元常渠牟為譏焉

唐秦王世民至長安獻俘太廟赦王世充斬竇建德

秦王世民至長安披黃金甲齊王元吉李世勣等二十五將從其後鐵騎萬匹甲士三萬人前後部鼓吹俘王世充竇建德獻于太廟行飲至之禮以饗之詔赦世充為庶人徙蜀斬建德於市以天下畧定大赦百姓給復一年陝虢轉輸勞費幽州久隔寇戎皆復二年既而王竇餘黨尚有遠徙者孫伏伽上言兵食

可去信不可去陛下已赦而復徙之使臣民何所憑
依且世充尚蒙寬宥况於餘黨所宜縱釋唐主從之
世充未行定州刺史獨孤修德橋救殺之詔免修德
官胡氏曰王竇皆非唐之叛臣也而世充事煬帝不
忠致隋失天下又弑恭帝而自立淫刑以逞虐及無
罪其罪為重宜數其罪而戮之而待建德以不死則
刑有章矣而唐不然其不戮世充也得非內省有疚
與其誅建德也無乃畏惡其能與已而使人潛殺世
充豈所謂與

集覽 前後部鼓吹鼓吹之音律管壎之樂
也本北狄馬上之聲漢以後以為
鼓吹亦軍中樂於馬上奏之唐制鼓吹有五部吹音
尺偽反飲至之禮注見宋文帝元嘉二十八年飲至
告廟給復一年給與也復音福除也與免一年徭賦
陝驍陝本漢弘農陝縣古驍國之上陽也後魏改陝
州驍國周封驍仲之地唐置驍州今屬京

賁實 蜀郡
兆內省有疚省察也疚病也自省有罪惡

見晉武帝秦始皇八年益州陝號二州名陝注見周顯王四十五年號注見宋文帝元嘉十二年莘

書法

陳之亡也書俘陳叔寶於是俘世充建德以獻太廟則曷為不以俘王世充實建德書之

不使建德列於世充也故止書獻俘然則世充書赦何有罪也建德書斬不書誅何無罪也有罪者赦無罪者斬唐之得失見矣

發明

太宗英武蓋世漢高光之儔而王竇以盜賊之靡當之宜乎折北不支殆甚於摧枯拉朽

之易也或曰太宗比高光孰優曰太宗弱冠起義克長安平群盜如反諸掌兵鋒未嘗少舛所向無前非其才之過人安能至此使之處光武之地固優為之若遇漢高之事殆恐未易言也何則漢祖起於亭長首以誅無道秦為名初無挾詐詭秘之術固已高人一等然入關未幾即制於項氏之手

退據巴蜀乃能席卷三秦聲羽大逆之罪東向以
爭天下百敗而氣不折卒能摧折慄悍之人而斃
之使太宗處此其少年英銳之氣恐未能如漢祖
之隱忍況淮陰英彭輩皆不世之才尤未易以寵
絡駕御而高祖使之如嬰兒玩弄於股掌之上彼
薛果劉武周王世充竇建德等較其勇畧曾不及
英彭之一二況望項籍之萬分哉此所以知其未
易辦也然天生英主各適其時要未容以槩論惟
建德世充之死其是否則有可言者世充誠有罪
然唐既受其降則不可殺之彼亦自謂罪固當誅
特秦王許臣不死其辭為甚直若建德則越境而
來又於陳擒之戮之宜矣一赦一誅固非過也若
夫他時蕭銑既降而死則唐始
為濫殺矣觀者又當以是攷之

唐初行開元通寶錢

隋末錢幣濫薄至裁皮糊紙為之民間不勝其弊至是初行開元通寶錢徑八分重二銖四索積十錢重一兩輕重大小最為折衷遠近便之置監於洛并出益等州秦王世民齊王元吉賜三鑪裴寂賜一鑪聽鑄錢餘盜鑄集覽二銖四索銖音殊索論追反十悉者身死家沒

集覽 二銖四索銖音殊索論追反十悉

銖為兩最為折衷言

質實 洛并幽益四州名洛注見極停當也衷涉重反

質實 秦莊襄王元年三川并注見見齊明帝建武三年一統志云幽禹貢冀州之域高陽氏謂之幽陵陶唐曰幽都虞為幽州夏殷省幽入冀又為冀州地周復置幽州武王封堯後於薊封召公奭於燕即此秦為上谷漁陽二郡地漢初為燕國又分置涿郡元狩中改燕國為幽州元鳳初改為廣陽郡本始初更為廣陽國東漢省廣陽合上谷永元初復立廣陽郡後罷郡立幽州治薊三國魏為燕國晉改范陽國後魏於薊立燕郡又於郡置幽州北齊

於幽州置東北道行臺後周改置燕及范陽二郡兼立總管於幽州隋開皇初郡廢州存後省州入涿郡唐武德初改為幽州總管府開元間改州為范陽郡乾元初復為幽州遼陞幽州為南京幽都府後改幽都為析津府宋宣和中改名燕山府尋復入金稱燕京改號中都以析津府為大興府元初為燕京路號大興府至元初建中都後改為大都路至本朝初改為北平府尋改為順天府直隸京師益注見晉武帝泰始八年

書法

唐自是錢幣凡七變是年高宗乾封元年鑄乾封泉寶二年罷肅宗乾元元年鑄大錢二年更鑄大錢上元元年敕重輪一當三十寶應元年大小錢皆當一〇此後世錢文用寶字始此

竇建德故將劉黑闥起兵漳南

實建德諸將居閭里暴橫為民患唐官吏以法繩之
皆驚懼不安會詔悉徵建德故將於是范願高雅賢
等相謂曰王世充以洛陽降唐其將相大臣皆夷滅
吾屬至長安必不免矣且夏王得淮安王遇以客禮
唐得夏王即殺之吾屬皆為夏王所厚今不為之報
仇無以見天下之士乃謀作亂卜之以劉氏為主吉
因相與之漳南見建德故將劉雅雅曰天下適安定
吾將老於耕桑不願復起兵眾怒殺之故漢東公劉
黑闥屏居漳南諸將詣之告以其謀黑闥方種蔬即
殺耕牛與之飲食定計聚眾襲縣據之是時諸道有
事則置行臺尚書省無事則罷之朝廷聞黑闥作亂
乃置山東道行臺於洺州魏冀定滄並置總管府以
淮安王神通**集覽**官吏以法繩之注**質實**漳南地名
為行臺僕射見漢文帝十四年**質實**注見秦二
世三年漢東郡名注見宋文帝元嘉二十二年隨郡
洺州注見漢武帝元狩四年魏冀定滄四州名魏注

見漢成帝綏和二年魏郡冀注見秦二世二年信都
定注見周威烈王二十三年中山滄注見晉穆帝永
和六年

書法

書故將何子義也建德之死唐為已甚故黑
闡得以起兵書而唐止書擊終綱目書故將

七列幾公師藩陳安麻秋張賀度劉黑闥筆廷美
惟利幾以故楚將書反公師藩以成都故將書寇
為譏
辭

發明

楊廣有罪故辟盜皆以兵起書之今唐非隋
比胡為所書如此黑闥未為唐臣既書竇建

德故特則無嫌於起兵凡已平之國其臣民有能
舉事者皆書起兵如周平齊隋平陳之後往往有
此類此綱目忠厚待人許其臣民
以不忘舊主之意也嗚呼仁哉

八月朔日食質實

日食注見新莽天鳳元年

○劉黑闥據鄆縣唐遣

兵擊之

黑闥陷鄆縣竇建德當黨稍出歸之衆至二千人為壇於漳南祭建德告以舉兵之意自稱大將軍詔發

關中步騎三千使將軍秦武通李集覽鄆縣索隱曰

玄通等擊之又詔李藝引兵會擊集覽鄆音輸常昭

曰清河郡邑正義曰貝州縣也索貝州今質實鄆縣

恩州是漢唐時清河郡也至肅宗改貝州

隋煬帝大業七年李元通藍田人

唐徐圓朗舉兵應劉黑闥

初洛陽既平徐圓朗請降拜兗州總管黑闥作亂圓朗與通謀唐主使盛彥師安集河南行至任城圓朗

執之舉兵反充鄆陳杞伊洛曹戴等八州皆應之圓
朗自稱魯王厚禮彥師使作書與其弟令舉虞城降
彥師為書曰吾奉使無狀為賊所擒為臣不忠誓之
以死汝善待老母勿以吾為念圓朗初色動乃笑曰
或將軍有壯節不質實任城縣名注見漢明帝永平十四年充鄆陳杞伊洛曹戴
可殺也侍之如舊實
等八州充注見漢獻帝興平二年鄆注同上元年陳
注見周赧王三十六年杞注見漢桓帝延熹四年雍
邱伊注見漢帝元更始二年陸渾洛注見秦莊襄王
元年三川曹注見漢光武建武八年濟陰戴注見隋
恭帝侗皇泰二年魯郡名注見漢獻帝興平二年充
州一統志云虞城縣名本古虞國即禹封商均之地
漢置虞縣屬梁國後魏屬沛郡北齊省隋復置屬宋
州唐置東虞州尋廢改縣曰虞城五代梁置輝州宋
廢以縣屬宋州後屬應天府金廢元復置屬
東平路後屬濟寧路本朝因之改屬開封府

書法

圓朗書唐矣應黑闥則叛也曷為不以叛書黑闥之舉義也圓朗應之亦義也於是降而

復叛者皆書叛惟圓朗書舉兵所以予義也故世民之師止書擊

唐括戶口○唐蜀太常樂工為民

詔以太常樂工皆前代因罪配沒子孫相承多歷年所並蜀為民且令執事若仕官入流勿更追集

覽

入流注見元宗開元十七年流外

唐淮安王神通擊劉黑闥敗績

淮安王神通至冀州與李藝合兵與黑闥戰於饒陽乘王擊之既而風反神通大敗藝歸幽州黑闥兵勢大質實饒陽縣名注見漢帝元更始二年

冬十月唐以秦二世民為天策上將

唐主以秦二世民功大前代官皆不足以稱之特置
天策上將位在王公上以世民為之開府置屬世民
以海內寢平乃開館以延文學之士杜如晦房玄齡
虞世南褚亮姚思廉李玄道蔡允恭薛元敬顏相時
蘇勗于志寧蘇世長薛收李守素陸德明孔穎達蓋
文達許敬宗為文學館學士分為三番更日直宿世
民暇日輒至館中討論文籍或至夜分使庫直閭立
本圖像褚亮為贊號十八學士士大夫得預其選者
時人謂之登瀛洲時府僚多補外官如晦亦出為陝
州長史房玄齡曰餘人不足惜杜如晦王佐之才大
王欲經營四方非如晦不可世民驚曰微公言幾失
之即奏留之使參謀帷幄軍中多事如晦剖決如流
世民每克城諸將爭取寶貨玄齡獨收米人物致之
幕府每令入奏事唐主曰玄齡為吾兒陳事雖隔千

里皆如

集覽

蓋文達蓋姓也漢高時膠西有蓋公索隱曰蓋音古闔反字書作鄣登瀛州言

如昇仙也按瀛洲山名神仙居焉前書郊祀志蓬萊方丈瀛洲此山神仙傳在渤海中質實蔡允

恭江陵人大業之子薛元敬汾陰人收之從子李守素趙州人陸德明蘇州吳人孔穎達冀州衡水人先

聖三十三世孫蓋文達冀州信都人許敬宗高陽北新城人善心之子闔立本京兆萬年人立德之弟慕

府注見秦
王政三年

唐遣趙郡王孝恭李靖伐梁梁主銑降

唐發巴蜀兵以孝恭李靖統之自夔州東擊蕭銑時峽江方漲諸將請俟水落李靖曰兵貴神速今吾乘江漲掩其不備此必成擒不可失也孝恭乃帥戰艦三千餘艘東下銑果不為備孝恭等拔其荊門宜都

二鎮屢破其兵進至夷陵入北江銑以罷兵營農宿衛纔數千人聞唐兵至倉猝徵兵未集乃悉見兵出拒戰孝恭將擊之靖曰彼救敗之師策非素立勢不能久不若且泊南岸緩之一日彼必分兵歸守兵分勢弱乘其懈擊之蔑不勝矣若急之則併力死戰楚兵剝銑未易當也孝恭不從出戰果敗銑眾委舟收掠軍資靖見其眾亂縱兵奮擊大破之乘勝直抵江陵入其外郭大獲舟艦靖使散之江中諸將皆曰破敵所獲當籍其用奈何棄以資敵靖曰蕭銑之地南出嶺表東距洞庭吾懸軍深入若攻城未拔援兵四集吾表裏受敵進退不獲雖有舟楫將安用之今棄舟艦使塞江而下援兵見之必謂江陵已破未敢輕進往來覘伺動淹旬月吾取之必矣援兵見之果疑不進遂圍江陵銑內外阻絕問策於岑文本文本勸銑降銑謂羣臣曰天不祚梁不可復支矣必待力屈則百姓蒙患奈何以我之故陷百姓於塗炭乎以太

牢告廟下令出降守城者皆哭銑帥羣臣總纓布帨
 詣軍門曰當死者唯銑耳百姓無罪願不殺掠孝恭
 入城諸將欲大掠文奉曰江南之民遭隋虐政重以
 爭戰跂踵延頸以望真主是以蕭氏君臣決計歸命
 庶幾有所息肩今若縱兵俘掠士民失望恐自此以
 南無復向化之心矣孝恭稱善遽禁止之諸將又言
 梁將帥拒闕死者請籍其家以賞將士靖曰王者之
 師宜使義聲先路彼為其主鬪死乃忠臣也豈可同
 之叛逆之科乎於是城中安堵秋毫無犯南方州縣
 聞之皆望風款附孝恭送銑長安斬於都市以孝恭
 為荊州總管靖為上柱國安撫嶺南先是銑遣劉洎
 畧地嶺表得五十餘城未還而銑敗洎以所得城來
 降靖既度嶺所至皆下銑桂州總管李襲志帥所部
 來降以靖代之引兵下九十六州得戶六十餘萬范
 氏曰蕭銑故梁子孫因隋之亂保據荆楚欲復先業
 非唐之叛臣也唐師伐之銑又以百姓之故不忍固

守而降然則唐初割據之主銑最無罪高祖誅之淫刑甚矣胡氏曰蕭銑志復舊業非唐叛臣唐若以文告之辭招而撫之再三不下然後用兵既服其人當矜其志胙以江南百里之國使奉梁祀則唐之德庶幾乎武王下車之政矣而以盜賊

集覽

總續注見漢孺子嬰初始

元年跂踵索隱曰跂與企同邱弭反舉也踵足跟也言舉踵而來正義曰跂音岐延頸正義曰延引也言舒頸而顚望也義聲先路當以義聲為王師之前導也離騷經曰棄騏驎以馳騁兮來吾道夫先路

實

峽江未詳處所或謂峽州之江注見周報王三十七年宜都縣名注見漢光武建武九年夷陵郡名

注見周報王三十七年倉猝注見漢光武建武六年江陵縣名注見漢獻帝建安十三年洞庭湖名注見周安王十五年太牢牲名注見太宗貞觀十八年荆州注見漢獻帝建安十三年嶺南道名注見隋恭帝

有義寧二年劉洎江陵人桂
州注見秦始皇王三十三年

書法

於是斬銑都市則何以不書諱之也唐平諸
國雖降鮮不殺者淫刑甚矣然仁果貪暴黑

闥執降猶曰有以籍口故綱目悉書之惟王行本
蕭銑不書不忍書也其不忍何行本各為其主蕭
銑自紀其叙皆既降矣而
復斬之諱之者甚之也

十一月唐杜伏威擊李子通執送長安

伏威於是盡有
淮南江東之地

劉黑闥取唐定州總管李元通死之

劉黑闥執玄通愛其才欲以為大將玄通不可故吏
有以酒肉饋之者玄通飲醉謂守者曰吾能劍舞願

假吾刀守者與之立通舞竟太息曰大丈夫受國厚恩鎮撫方面不能保全所守亦何面目視息世間哉
引刀自刺而死

書法

唐起兵於是四年耳書死節者已四人焉劉
處呂子誠張善相李元通其為人心如此唐

之成帝業也宜哉綱目千三百六十二年書死之
者五十四許漢孺子嬰居攝元年於是四書皆唐
也

高開道叛唐自稱燕王

幽州饑李藝告羅於高開道許之藝發三千人車數
百乘驢馬千匹往受粟開道悉留之告絕於藝復稱
燕王北連突厥南與劉黑闥
相結恒定幽易咸被其患
集覽恒定幽易恒州即
鎮州也本漢恒山

國晉改恒州五代唐置真定府定州戰國時中山國也今中山府是屬真定路幽州古冀州地舜以冀州廣遠分燕北地置幽州今大興府是易州本秦上谷郡地漢涿郡之固安縣也今屬保定府 質實恒定幽易四州名恒注見漢光武建武九年常山定注見周威烈王二十三年中山幽注見本年易注見周世宗顯德六年

書法

書叛何嘗降也故入幽州則書寇綱目之名分嚴矣

十二月唐命秦王世民齊王元吉擊劉黑闥

初黑闥既破淮安王神通移書趙魏竇建德故將卒爭殺唐官吏以應之李世勣走保洛州黑闥追擊破之拔相黎衛州半歲之間盡復建德舊境遣使北連突厥將軍秦武通程名振等皆自河北遁歸長安乃

命秦王世民齊王元吉討之

集覽

相黎衛相州本秦邯鄲地後魏置相州唐為鄴郡今彰德府是

黎州古黎陽縣北魏置黎州今濟州是衛州殷所都也朝歌故城在焉晉置汲郡周武改衛州

質實

趙魏二州名趙注見漢景帝三年魏注見漢成帝綏和二年相黎衛三州名相注見漢元帝建昭二年魏

郡黎注見漢成帝綏和二年衛注見秦王政七年朝歌

壬唐武德五年。漢東王劉黑闥天年造元年。是歲楚亡并梁凡三國

春正月劉黑闥自稱

漢東王

黑闥稱王改元都洛州建德時文武悉復本位其設法行政悉師建德而攻戰勇決過之

質實洛州

注見漢武帝元狩四年廣平

三月突厥遣使如唐

先是處羅可汗與劉武周寇并州唐遣鄭元璿往諭以禍福處羅不從未幾處羅病死國人疑元璿毒之留不遣唐又遣漢陽公瓌使頡利欲令瓌拜不從亦留之唐復遣使賂頡利且許結昏頡利乃遣使送元璿等

質實鄭元璿鄭州榮澤人善果從兄一統志云漢陽縣名本漢安陸縣地屬江夏郡東晉於臨漳山置沱陽縣後廢隋開皇末置漢津縣屬復州大業初改曰漢陽屬沱陽郡唐初於此置沱州後廢州以縣屬鄂州五代周為漢陽軍治宋廢軍紹興中復置元為漢陽府治至本朝因之屬漢陽府

唐秦王世民破劉黑闥於洺水黑闥奔突厥

秦王世民軍至獲嘉黑闥棄相州世民取之進軍肥鄉列營洺水上以逼之李義以兵數萬來會黑闥自

將拒之程名振載鼓六十具於城西堤上急擊之城
中地皆震動范願馳告黑闥黑闥遽還遣兵擊藝於
鼓城大敗洺水人據城來降世民遣王君廓守之黑
闥引兵還攻甚急世民三引兵救之不得進恐君廓
不能守行軍總管羅士信請代君廓守之世民登城
西南高冢以旗招君廓君廓帥其徒力戰潰圍而出
士信乘之入城黑闥晝夜急攻會大雪救兵不能往
凡八日城陷黑闥素聞其勇敢生之士信辭色不屈
乃殺之世民復拔洺水與藝營於洺水之南黑闥數
挑戰世民堅壁不應李世勣逼其營高雅賢出戰敗
死黑闥運糧水陸俱進程名振邀之沉其舟焚其車
相持六十餘日世民度黑闥糧盡必來決戰乃使人
堰洺水上流黑闥果帥步騎二萬南度洺水壓唐營
而陳世民自將精騎擊破之黑闥帥衆殊死戰自午
至昏戰數合黑闥勢不能支遂先遁餘衆不知猶格
戰守吏決堰水大至衆遂潰黑闥與范願等奔突厥

山東
悉平
質實

獲嘉縣名注見晉考武帝太元九年一統志云

洺水在廣平府城北三十里源出遼州太行山流經武安縣東北入永年縣北境至雞澤縣界與沙河合

鼓城縣名注見漢帝元更始二年下曲陽洺水縣名本漢廣平國斥漳縣地隋置洺水縣唐省入曲周縣

宋復置尋廢金始置威州治井陘縣屬真定府元徙威州治於洺水而縣屬焉至正間廢縣以州屬廣平

路至本朝初降州為縣改屬東平府高家末詳處所挑戰注見漢王邦四年山東道名注見宋文帝元嘉

二十五年

夏六月劉黑闥引突厥寇山東又寇定州考異寇並當作侵下

書突厥寇并州亦同之

考證寇皆當作入

書法

黑闥前書起兵此其書寇何引狄亂華不可以不書寇也至加兵黑闥則復書擊

○秋七月唐秦王世民擊徐圓朗杜伏威入朝于唐考

異

按圓朗唐之叛臣當書討此書擊傳誤

秦王世民擊徐圓朗下十餘城聲振淮泗杜伏威懼遂請入朝世民以淮濟畧定使淮安王神通及任瓌

李世勣攻

圓朗而還

質實

注見宋文帝元嘉三十年淮濟二水

名淮注見漢景帝三年濟注見梁武帝天監十五年

李子通叛唐伏誅

子通謂樂伯通曰伏威既來江東未定往收舊兵質大功可立遂相與亡走至藍田為吏所獲伏誅

實

藍田縣名注見
周赧王三年

隋漢陽太守馮盎降唐

盎承李靖檄以所部降唐以其地為高羅春白崖儋
林振八州以盎為總管先是或說盎宜效趙佗稱王
盎曰吾家居此為牧伯者五世富貴極矣常懼不
克負荷為先人羞敢效佗乎遂降唐嶺南悉平 質

實

漢陽郡名注見漢獻帝建安二十二年高羅春白
崖儋林振八州高注見宋文帝元嘉八年高羅一

統志云羅本漢高涼縣地宋分置羅縣屬高涼郡梁
置羅州隋併入高涼郡唐置石城縣為羅州治天寶
初改廉江縣宋省入吳川縣乾道初復析置石城縣
屬化州元屬化州路入本朝仍屬化州隸高州府春
本漢合浦郡高涼縣地吳屬高涼郡梁於此置陽春
郡又陽春縣隋平陳廢郡以縣屬高州唐於縣置春

州天寶初改南陵郡乾元初復為春州宋廢州以縣屬南恩州元仍舊至本朝初州廢縣改屬肇慶府白本秦象郡漢為合浦縣也唐初析置南州并置博白縣以山為名尋改南州為白州宋廢州以縣隸廉州未幾州復置政和初又廢州以縣隸鬱林州尋復置紹興中復廢州以縣隸鬱林州元仍舊焉本朝因之改屬梧州府崖注見漢武帝元鼎六年珠崖儋注同上年儋耳林唐初所置尋改繡州宋初州廢以所領常林阿林羅繡三縣俱省入普寧縣屬容州故址在梧州府陸川縣境振本漢珠崖郡地隋置臨振郡唐改為振州治寧遠縣天寶初改為延德郡又改寧遠郡乾元初復為振州宋改崖州熙寧中改朱崖軍紹興中軍廢尋復置改吉陽軍元因之至本朝初復為崖州尋以寧遠縣省入改屬瓊州府趙佗稱王事在漢文帝元年

八月突厥寇并州唐遣鄭元璠如師璠引兵還

突厥璠利可汗將十五萬騎入鴈門寇并州命太子建成秦王世民禦之唐王謂羣臣曰和戰孰利鄭元璠曰戰則禍深不如和利封德彝曰突厥恃犬羊之衆有輕中國之意若不戰而和示之以弱明年將復來臣愚以為擊之既勝而後與和則恩威兼著矣唐主從之襄邑王神符汾州刺史蕭瑊連破突厥斬首五千餘級乃遣鄭元璠詣璠利責以負約璠利頗慙元璠因說之曰唐與突厥風俗不同突厥雖得唐地不能居也今虜掠所得皆中國人於可汗何有不如還師修好坐受金幣孰與棄昆弟積年之歡結子孫無窮之怨乎璠利悅引兵還元璠自義寧以來五使突厥幾死者數焉

集覽

義寧隋恭帝侑年號

質實

鴈門郡名注見秦王政三年襄邑縣名注見漢順帝陽嘉二年汾州注見周威烈王二十三年

西河突厥北狄種名注見梁武帝大同十一年
可汗夷狄君長之號注見漢後主景耀四年

冬十月唐遣齊王元吉擊劉黑闥淮陽王道玄與黑闥

戰敗沒

時道玄將兵三萬與副將史萬寶不協道玄帥輕騎
先出犯陳萬寶擁兵不進由是敗沒時年十九秦王
世民深惜之曰道玄嘗從吾征伐見吾深入賊陳心
慕效之以至於此為之流涕世民自起兵以來前後
數十戰常身先士卒輕騎深入
雖屢危殆而未嘗為矢刃所傷

發明

前書命秦齊二王擊黑闥繼書秦王破黑闥
則成功者秦王也至此上書遣元吉而下書

道元敗沒則元吉受任為無功矣唐祖是時蓋默
忘秦王功高而猶幸餘子有功足以敵之初不料

元吉之不能勝任也觀者以是察之則得書法之意矣

楚王林士弘卒其衆遂散

初蕭銑之敗也散卒多歸士弘士弘軍勢復振至是攻循州不克其將王戎以南昌州降唐士弘懼亦請降復走保安成山洞洪州總管若千則擊破之會士弘死其衆遂散集覽若千則虜復若人者反質實循州注見晉高祖天福七年南昌州千居寒反注見漢獻帝建安三年海昏一統志云安成古地名漢為安平安成二縣地安平屬豫章郡安成屬長沙國東漢改安平曰平都屬廬陵郡吳置安成郡治平都晉改安成為安復縣隋廢安成郡併安復入平都復改為安成縣屬吉州開皇中又改曰安復唐初改為安福縣置潁州尋廢以縣屬吉州宋因之元陞為安福州至本朝復為縣屬吉州府洪

州注見漢武帝
元鼎五年豫章

十一月唐遣太子建成擊劉黑闥

淮陽王道玄之敗也山東震駭劉黑闥盡復故地進據洺州齊王元吉不敢進而太子建成請行故遣之初唐主之起兵晉陽也皆秦王世民之謀唐主謂世民曰事成當以汝為太子將佐亦以為請世民固辭而止太子喜酒色遊畋齊王多過失皆無寵世民功名日盛建成內不自安乃與元吉協謀共傾世民曲意事諸妃嬪諂諛賂遺無所不至以求媚於上世民獨不事之由是諸妃嬪爭譽建成元吉而短世民時世民元吉皆居別殿與上臺東宮晝夜通行無復禁限相遇如家人禮太子令秦齊王教與詔敕並行有司莫知所從唯據得之先後為定世民以淮安王神通有功給田數十頃張婕妤好求之手敕賜之神通以

教給在先不與嬖奸訴於唐主唐主怒以責世民復謂裴寂曰此兒久興兵在外為書生所教非復昔日子也胡氏曰太子令二王教與詔敕並行雖高祖隆愛諸子之失而世民獨不知其不可而辭之邪房杜諸人亦無所警發何也高祖不思因事更制乃謂秦王為書生所教可謂易其言矣○秦王每侍宴宮中思太穆皇后早終不得見唐主有天下或獻歡流涕唐主不樂諸妃嬪曰陛下春秋高宜相娛樂而秦王如此正是憎疾妾等陛下萬歲後妾子母必無子遺矣皇太子仁孝陛下以妾子母屬之必能保全唐主為之愴然由是無易太子意待世民寢疎而建元吉日親矣太子中允王珪洗馬魏徵亦說太子曰秦王功蓋天下中外歸心殿下但以年長居東宮無大功以鎮服海內今劉黑闥散亡之餘眾不滿萬以大軍臨之勢如拉朽殿下宜自擊之以取功名因結納山東豪傑庶可自安於是太子請行范氏曰立子以

長不以功以德不以衆古之道也晉獻公使申生伐東山里克入而諫君出而勉太子以孝君子曰善處父子之間矣王魏輔導東宮當勸建成以孝友則儲位安矣秦王有定天下之功高祖苟欲立之能為泰伯不亦善乎乃使建成擊賊以立威結豪傑以自助是導之以爭也禍亂何從而息乎以王魏之賢猶如此況庸人乎胡氏曰人之大倫有常有變若王魏能勸建成如東海王彊力請而去則父子君臣之間變而不失**集覽**太子令秦齊王教太子之命謂之令秦其正矣王齊王之命則謂之教子遺注見齊明帝建武元年晉獻公使申生伐東山事在左傳閔二十五年里克春秋晉大夫能為太伯注見漢後主延熙十五年太伯順父之志東海王彊力請而去漢光武郭后所生子名彊先立為太子後以郭后被廢常不自安數陳懇誠願備藩國遂封東海王**質實**淮陽郡名注見周赧王三十六年陳婕妤女官名注見漢

武帝太始元年獻欽注見漢光
武建武元年王珪太原祁人

發明

昔晉獻公使太子申生伐東山里充諫曰太
子冢嗣奉社稷之業盛以朝夕視君膳者也

故君之適嗣不可以帥師獻公不從而申生亦卒
不免今建成已正儲極胡為復使之擊賊是舉非
但王魏失謀蓋亦出於高祖之意將使建成立功
以敵秦王耳殊不知太子本以嫡長次序而立豈
論有功與否正使殄平黑闥其功亦豈能及秦王
之一二此則胥失者也夫晉獻公欲疎其子故使
之將兵而唐祖欲私其子乃使之擊賊雖所見不
同要皆私欲蔽之是固二君之過也是以綱目於
此不書太子請擊黑闥而以唐遣為文言遣則責
有所歸而太子輕棄君親失其所職之意又自不
言可見矣

唐封宗室道宗為任城王

道宗為靈州總管梁師都引突厥數萬圍之道宗乘間出擊大破之突厥與師都連結遣郁射設入居故五原道宗逐出之斥地千餘里唐主以道宗武幹立為任城郡王質實靈州注見元載靈武五原郡名注見漢宣帝甘露二年任城郡注見漢明帝永平十四年

書法

於是唐宗室封王多矣不書書任城以功也

十二月唐魏州總管田留安擊劉黑闥破之

劉黑闥擁兵而南河北州縣皆附之唯魏州總管田留安不下黑闥攻之留安奮擊破之獲其將孟柱降六千人是時山東豪傑多殺長吏以應黑闥上下相猜留安獨坦然無疑白事者皆令直入卧內謂吏民

曰吾與爾曹為國禦賊固宜同心協力必欲棄順從逆但斬吾首去吏民相戒曰田公推至誠以待人當共竭死力報質實魏州注見漢成帝綏和二年

唐太子建成兵至昌樂劉黑闥亡走

太子建成齊王元吉軍至昌樂劉黑闥引兵拒之再陳皆不戰而罷魏徵言於太子曰前破黑闥其將帥皆懸名處死故齊王之來雖有詔赦其黨與之罪皆莫之信今宜悉解其囚俘慰諭遣之則可坐視其離散矣太子從之黑闥食盡衆多質實一統志云昌樂古地名漢為樂昌縣屬東郡後漢省晉置昌樂縣後魏兼置昌樂郡隋開皇初廢郡析置繁水縣大業初以昌樂縣省入繁水屬武陽郡唐復置昌樂縣省繁水入焉五代唐改為南樂縣晉以後隸太名府宋改隸開德府金復

隸大名府元仍舊至本

朝因之改屬大名府

癸唐武德六年○是歲未漢東亡并梁凡三國

春正月漢東將諸葛德威執其

君黑闥降唐唐斬之

時太子遣騎將劉弘基追黑闥黑闥奔走不得休息至饒陽從者纔百餘人餒甚黑闥所置刺史諸葛德威出迎饋之食未畢勒兵執之送詣太子斬於洺州黑闥臨刑嘆曰我幸在家鉏菜為高雅賢輩所誤至此

質實

饒陽縣名注見漢帝元更始二年

書法

書其君何成黑闥之為漢東王也綱目子義故黑闥之起兵書故將唐攻之書擊其被執

也書其君

二月唐平陽公主薨考異

提要薨作卒按綱目唯太妃書薨貴妃公主並書卒此當

從提要
為正

平陽昭公主薨詔加鼓吹班劍武賁甲卒以葬太常奏禮婦人無鼓吹唐主曰鼓吹軍樂也公主親執金

鼓興義兵以輔成大集覽武賁即虎賁也注見業豈與常婦人比乎漢平帝元始五年質實

平陽昭公主平陽郡名注見漢獻帝建安七年昭公主高祖之女柴紹之妻鼓吹注見晉武帝太康三年

書法

公主卒未有書者此其書薨何特筆也其特筆何與於起義者也非他公主比矣故書薨

綱目自戰國分主外其書薨者非不成君廢帝廢后則諡為帝為后者也不然則帝母也有大功公

主也唐會昌以後方鎮大臣有書薨者誤也

徐圓朗走死其地皆入于唐○林邑遣使入貢于唐

初隋破林邑分其地為三郡及中原喪亂林邑復國至是始入貢 質實 林邑南蠻國名注見漢後

主建興四年

幽州總管李藝入朝于唐

藝入朝唐以為左翊衛大將軍

唐廢參旗等十二軍質實

十二軍注見隋恭帝侗皇泰二年

○三月梁

將賀遂索同以十二州降唐○唐前洪州總管張善安

反○夏唐以裴寂蕭瑀為僕射楊恭仁封德彝為中書

令○高開道寇唐幽州敗走考證寇當作入○六月范君璋

奔突厥高滿政以馬邑降唐

先是前并州總管劉世讓除廣州總管將之官唐主問以備邊之策世讓對曰突厥比數為寇良以馬邑為之中頓故也請以勇將戍崞城多貯金帛募有降者厚賞之數出騎兵蹂其禾稼敗其生業不出歲餘彼無所食必降矣唐主然其計曰非公誰為勇將即命世讓戍崞城馬邑病之是時馬邑人多不願屬突厥唐復遣人招諭范君璋君璋不從高滿政因眾心所欲夜襲君璋君璋奔突厥滿政殺突厥戍兵而降君璋復與突厥寇馬邑滿政與集覽馬邑為之中頓戰破之遂以滿政為朔州總管音郭本漢鴈門郡崞縣屬并州按并州今太原府是為中途頓舍之地也馬邑注見漢高帝六年崞城崞

崞州隸馬輿地要覽曰崞州與代州元繁質實廣州注見

崞縣自代北至雲朔等州北臨絕塞之地秦始皇三十三年南海崞縣名注見晉懷

唐岐州刺史柴紹擊吐谷渾敗之

先是吐谷渾寇洮岷二州遣柴紹救之為其所圍虜
乘高射之矢下如雨紹遣人彈琵琶二女子對舞
虜怪之相與聚觀紹察其無備潛集覽洮岷音滔
遣精騎出虜陳後擊之虜衆大潰集覽岷音旻洮本
秦隴西臨洮縣唐置洮州今臨洮府是岷亦臨洮地
隋置岷州宋紹興間洮岷之地復失吳玠復五路及
金國講和改質實域國名注見周顯王八年吐谷渾西
岷曰西和州質實域國名注見晉元帝建武元年一
統志云洮州古雍州之域秦漢以來為諸戎之地後
為吐谷渾所據至後周始置洮陽郡尋立洮州隋初

郡廢大業初州廢置臨洮郡唐復為洮州治美相貞觀中徙置臨潭開元中改臨州後復舊又改臨洮郡唐末陷於吐蕃號臨洮城宋收復仍置洮州金仍舊元隸吐蕃等處宣慰司至本朝初置洮州衛軍民指揮使司隸陝西都司岷州注見秦始皇三十九年臨洮琵琶樂器注見隋文帝開皇九年

秋七月唐淮南道行臺僕射輔公柝反

初杜伏威與公柝友善兄事之軍中謂之伯父畏敬與伏威等伏威寢忌之潛奪其兵權公柝知之陽為學道辟穀以自晦及伏威入朝留公柝守丹陽令王雄誕典兵為之副公柝詐雄誕奪其兵諭以反計雄誕曰今天下方平定吳王在京師奈何無故自求族滅乎公柝殺之詐稱伏威貽書令其起兵尋稱帝於丹陽國號宋詔趙郡王孝恭李靖等討之孝恭將發與諸將宴集命取水忽變為血在坐皆失色孝恭舉

止自若曰此乃公拓授首之徵也飲而盡之衆皆悅服
質實辟穀注見漢高帝五年丹陽郡名注

見漢獻帝興平二年吳王謂杜伏威趙郡注見漢景帝三年

冬十月唐殺其嶧城總管劉世讓

突厥惡世讓為已患遣其臣曹般陀來言世讓與可汗通謀欲為亂唐主信之殺世讓藉沒其家

唐朔州殺其總管高滿政降突厥

初唐主遣將軍李高遷助高滿政守馬邑頡利大發兵攻之高遷懼宵遁滿政出兵禦之一日戰十餘合會突厥求婚於唐唐主曰釋馬邑之圍乃可議也頡利欲解兵義成公主固請攻之馬邑糧盡救兵未至都虞侯杜士遠懼不免殺滿政以質實李高遷岐州降突厥復請和親乃以馬邑歸唐人虞候官名

事物紀原云春秋時晉有侯正主斥侯又有原侯原奄則唐侯之名蓋因此齊晏子云藪之薪蒸虞侯守之奉山澤望侯之官李靖兵法有左右都虞侯名同而職異矣

唐置屯田於并州

突厥數為邊患并州長史竇靜表請於太原置屯田以省餽運議者以為煩擾靜切論不已徵靜入朝與裴寂等相問難於唐主前寂等不能屈乃從靜議歲收穀數千斛秦王復請增置屯田於并州之境從之

竇實

竇靜岐州人太原郡名注見齊明帝建武三年屯田注見高宗龍朔三年

十二月唐安撫使李大亮討張善安執之

初輔公柘之反與張善安連兵并州總管周法明將兵擊輔公柘善安遣刺客殺之至是李大亮擊善安

於洪州隔水而陳遙相與語諭以禍福善安曰善安
初無反心為將士所誤欲降又恐不免大亮曰張總
管有降心則與我一家耳因單騎入其陳執手共語
善安大悅遂許降既而善安詣大亮營大亮執之善
安營中聞之將攻大亮大亮遣人諭之曰總管自言
赤心歸國還營恐將士或有異同故留不去耳卿輩
何怒於我衆遂潰去送善安於長安赦之質實
其罪及公祐敗得所與往還書乃殺之質實
京兆涇陽人長安縣名注見漢惠帝五年

甲唐高祖神堯皇帝武德七年

是歲高開道輔公祐皆
敗死唯梁師都至貞觀

二年
乃亡

春正月置大中正

依周齊舊制州置中正一人掌知州內人
物品量望第以門望高者領之無品秩
質實中正宮名

注見梁武帝
天監十八年

二月封高麗王建武為遼東王

上以隋末戰士多沒於高麗賜高麗王建武書使悉
遣還亦索高麗人在中土者遣歸其國建武奉詔遣
還前後萬數至是又請
質實遼東郡名注見秦王政
三年高麗東夷國名注
見漢武帝元
封二年朝鮮

置州縣鄉學

詔州縣鄉皆置學有明
一經以上者咸以名聞

書法

自魏書立郡學宋丙午年至梁武始置州郡學已酉年隋文遂有廢州縣學之書仁壽元

年於是復置州縣學而并立鄉學焉鄉學立而後庠序滿天下及開元之盛令天下州縣里皆置學

則天下無無學之里矣
元宗開元二十六年

帝詣國子學釋奠于先聖先師考異

按巡行例曰學校曰臨曰視據漢延

熙十九年書魏主髦視學晉隆和元年書秦王堅臨太學皆不書詣此條詣當作臨或作視

質實

釋奠

注見梁武帝天監十七年

詔王公子弟各就學

書法

學書臨書視恒也此其書詣何不以人主之位加先聖也故綱目下書孔子宅則上書詣

漢明帝永平十五年下書先聖先師則上書詣是
年終綱目書詣學二是年太宗貞觀十四年書釋
奠二是年代
宗大歷元年

發明

漢史載肅宗至魯幸孔子宅綱目變文書詣
以示尊崇先聖之意臣前已論之矣今國子

學乃諸生講肄之所前史皆書曰幸綱目何為亦
以詣書之蓋國子學雖有諸生而先聖先師皆在
其中此其為禮固非其他臨幸之比是以綱目上
書詣國子學而下書釋奠于先聖先師其義甚明
况幸學之說出於漢唐而不出於三代今唐之高
祖當開創之初首能舉行是禮綱目書之亦足見
崇尚之意其視隋人廢黜學校者殆不可同年而
語君子安得不喜談而樂道之哉後太宗貞觀十
四年書詣國子
監其義亦同矣

改大總管府為大都督府。○高開道為其下所殺，詔以其地為媯州。

開道見天下皆定，欲降自以數反覆，不敢其將卒咸有離心。開道選勇敢數百人，謂之假子，常直闕內，使其將張金樹領之。金樹遣人入與假子遊戲，因潛斷其弓弦，竊其刀槩，以出乃帥其黨攻開道。假子將索之，弓弦皆絕，刀槩已失，爭出降。開道知不免，乃自殺。金樹悉收假子斬之，遣使來降，以其地置媯州。以金樹為北燕州都督。質實媯州注見晉懷帝永嘉五年，廣寧北燕州注同見上。

吳王杜伏威卒考異

按武德二年書杜伏威降唐，唐以為和州總管，未嘗書封杜伏威為

吳王
疑漏

輔公祐之反也詐稱伏威之命以令其衆公祐平詔
追除伏威名沒其妻子太宗即位知其冤赦之復其
官爵

三月初定官制

以太尉司徒司空為三公次尚書門下中書秘書殿
中內侍為六省次御史臺次太常至太府為九寺次
將作監次國子學次天策上將府次左右衛至左右
領衛為十四衛東宮置三師三少詹事及兩坊三寺
十率府王公置府佐國官公主置邑司並為京職事
官州縣鎮戍為外職事官自開府儀同三司至將仕
郎二十八階為文散官驍騎大將軍至陪戎副尉二
十一階為武散官上柱國至武騎尉十二等為勳官
范氏曰三公論道經邦變理陰陽故不以一職名官
太尉掌武大司馬之職也司徒主民司空主土皆六

卿之任非三公也。自漢以來失之而唐不能革也。且既有三公而又有尚書省是政出於二也。既有尚書省又有九寺是政出於三也。夫天地之有四時百官之有六職天下萬事備盡於此如網之正綱衆之挈領雖百世不可易也。如欲稽古以正名苟捨周官未見其可也。胡氏曰國學之地重矣夫豈與他官府有司比也。而次于匠監之下非失之大乎。若以尚書門下中書國子監秘書殿中為六省而降內侍于侍監之下則尊儒重道之意明矣。

集覽

九寺注見晉武帝咸寧五年乃漢九寺名

而奄尹與政之階替矣。
也按唐志一曰太常寺二曰光祿寺三曰衛尉寺四曰宗正寺五曰太僕寺六曰大理寺七曰鴻臚寺八曰司農寺九曰太府寺唐事東宮官之尊者正三品上掌統三寺十率府之政十率府率與帥通音所類反又朔律反唐東宮六率一曰左右率府二曰親勳羽府三曰左右司禦率府四曰左右清道率府五曰

左右監門率府六曰左右內率府又有前後左右四率太子出則前衛率道在前黃麾外左右二率從扶導輿車後衛率從在烏皮外並帶刀執戟奄戶注見漢靈帝光和元年質實三寺謂家寺太僕寺

趙郡王孝恭克丹陽斬輔公柝考異

據上書行臺僕射輔公柝反此當書

誅誤作斬

先是公柝遣其將馮慧亮等將舟師陳正通等將步騎以拒官軍趙郡王孝恭與李靖帥舟師次舒州李世勣帥步卒一萬度淮火硤石慧亮等堅壁不戰皆曰慧亮擁彊兵據水陸之險攻之不可猝拔不如直指丹陽掩其巢穴靖曰今此諸柵尚不能拔公柝保據石頭兵亦不少豈易取哉進攻丹陽旬月不下慧

亮等躡吾後腹背受敵此危道也慧亮正通皆百戰
餘賊其心非不欲戰正以公祐立計使之持重以老
我師耳今攻其城以挑之一舉可破也孝恭然之使
羸兵先攻賊壘而勒精兵結陳以待之攻壘者不勝
而走賊出兵追之遇大軍與戰大敗乘勝逐北兩質
戍皆潰公祐棄城走人執送丹陽梟首江南皆平質
實舒州注見梁簡文帝大寶元年晉熙淮水名注見
漢後主建興二年硤石山名注見晉孝武帝太元
元年石頭城名注見漢獻帝建安十
七年逐北注見周赧王三十一年

夏四月頒新律令

比開皇舊制增
新格五十三條

初定均田租庸調法

丁中之民給田一項爲疾減什之六寡妻妾減七皆以什之三爲世業八爲口分每丁歲入租粟二石調隨土地所宜綾絹純布歲役二旬不役則收其傭日三尺有事而加役者旬有五日免其調三旬租調俱免水旱蟲霜爲災什損四以上免租損六以上免調損七以上課役俱免凡民貲業分九等百戶爲里五里爲鄉四家爲鄰四鄰爲保在城邑者爲坊田野者爲村食祿之家無得與民爭利工商雜類無預士伍男女始生爲黃四歲爲小十六爲中二十爲丁六十爲老歲造計帳三年造戶籍范氏曰自井田廢而貧富不均後世未有能制民之產使之養生送死無憾者也唐之法蓋庶幾焉然爲治者唯能省力役薄稅歛務本抑末尚儉去奢占田有限困窮有養使貧者足以自立富者不得兼之則均天下之本也不然雖有法令徒文具而已何益於治哉胡氏曰食祿之家無得與民爭利此以廉耻待士大夫之美政也然古

之仕者世祿故仕則不稼後世用人不慎陞黜無常則此制將有不可行者必也仕者視其品而給之田進而任用則有祿以酬其勞置而不用則有田以資其生必有大罪然後取其田里如此則不得爭利之法可行而廉耻

集覽

丁中之民詳見下文人全丁半

之風益勸矣
八爲口分分扶問反口分田人八十畝綾絹絕布風土不同故其宜亦異也皮綿之細曰綾縵如麥稍曰絹絲經象緯曰純經緯皆象曰布純音始移反不役則收其傭日三尺傭通作庸唐用人力歲二十日閏加二日不役者則日收綾或絹或純或布三尺是之謂庸始生爲黃三宗史編解云黃謂穉幼髮黃也四歲爲小小謂細弱也十六爲中中者謂上下通也二十爲丁丁者當也當疆壯之時六十爲老三宗史編作六十而免解云甲子一周血氣已衰故免放之必也屬下句

六月慶州都督楊文幹反遣秦王世民討平之

初齊王元吉勸太子建成除秦王世民曰當為兄手刃之世民從上幸元吉第元吉伏甲欲刺之建成止之元吉慍曰為兄計耳於我何有建成擅募驍勇二千餘人為東宮衛士發幽州突騎三百置諸坊又私使慶州都督楊文幹募壯士至是上幸仁智宮建成居守世民元吉皆從建成使元吉就圖世民又使人以甲遺文幹使之舉兵表裏相應上聞之怒召建成建成懼不敢赴唐事主簿趙宏智勸其貶損車服屏從者詣上謝罪建成乃詣仁智宮見上叩頭謝罪奮身自擲上怒不解置之幕下以兵守之文幹遂發兵反上召秦王世民告之曰文幹事連建成恐應之者眾汝宜自行還立汝為太子吾不能效隋文帝自誅其子當封建成為蜀王蜀兵脆弱他日苟能事汝汝宜全之不能事汝汝取之易耳世民既行元吉與妃

嬪更迭為建成請封德彝復為營解於外上意遂變遣建成還守京師惟責以兄弟不睦歸罪於王珪常挺杜淹並流雋州文幹陷寧州世民軍至其黨殺之傳首京師范氏曰建成擅募兵甲以危君父其罪大矣高祖不以公義廢之乃惑於奸臣之計牽於妃嬪之請至使兄弟不相容於天下皆高祖不明之過也

集覽

突騎顏師古曰言其驍銳可以衝突敵人雋州

有雋水言逾越此水以

質實

慶州注見周顯王四十年趙宏智洛州新安

人宏安之弟京師注見周顯王二十五年韋挺京兆萬年人雋州注見漢武帝元鼎六年越雋寧州注見

肅宗上元元年

發明

文幹之反事連建成綱目書之分注載之高祖是時若能按其罪而黜之則無他日兄弟

相殘之禍
矣惜哉

秋閏七月突厥入寇遣秦王世民將兵禦之

或說上曰突厥所以屢寇關中者以子女玉帛皆在
長安故也若焚長安而不都則胡寇自息矣上欲從
之秦王世民諫曰戎狄為患自古有之陛下以聖武
龍興所征無敵奈何為此以貽四海之羞為百世之
笑乎願假數年之期臣請繫頡利之頸致之闕下若
其不效遷都未晚上曰善建成與妃嬪因共譖世民
曰突厥犯邊得賂則退秦王外託禦戎之名內欲總
兵權成其篡奪之謀上大怒召世民責之會有司奏
突厥入寇上乃改容勞勉詔世民元吉將兵出幽州
以禦之上每有寇盜輒命世民討之事平之後猜嫌
益質實幽州注見漢桓
帝延熹五年

命韋仁壽檢校南寧州都督

仁壽性寬厚有識度初為蜀郡司法書佐所論囚至市猶西向為仁壽禮佛然後死時西南夷內附朝廷遣使撫之類皆貪縱遠民患之上聞仁壽名命檢校南寧州都督仁壽既受命將兵五百人至西洱河周歷數千里蠻夷望風歸附仁壽承制置七州十五縣各以其豪帥為刺史縣令法令清肅蠻夷說服各遣子弟入貢

集覽 西洱河注見隋文

質實 韋仁壽京兆萬年人西南夷注見漢書

武帝元狩元年滇國一統志云南寧州本漢益州郡味縣地唐初於此置南寧州後沒於蠻元初置千戶所隸磨彌部萬戶至元中陞南寧州後改為南寧縣至本朝因之為曲靖軍民府治所仍屬焉

八月突厥受盟而還

頡利突利二可汗舉國入寇連營南上秦王世民引兵拒之會闡中久雨糧運阻絕士卒饑疲器械頓弊朝廷以為憂世民與虜遇於幽州二可汗帥萬餘騎奄至城西元吉懼不敢出世民乃帥騎馳詣虜陳告之曰國家與可汗和親何為負約深入我地我秦王也可汗能闡獨出與我闡若以衆來我直以此百騎相當耳頡利不之測笑而不應世民又前遣騎告突利曰爾往與我盟有急相救今乃引兵相攻何無香火之情也突利亦不應世民又前將渡溝水頡利見世民輕出又聞香火之言疑突利與世民有謀乃遣止世民曰王不須渡我但欲與王申固盟約耳乃引兵稍却是後雨益甚世民謂諸將曰虜所恃者弓矢耳今積雨彌時筋膠俱解弓不可用吾屋居火食刀槩犀利以逸制勞此而不乘將何復待乃潛師夜出冒雨而進突厥大驚世民又遣人說突利頡利欲戰突利不可乃請和親世民許之突利因自託於世民

請為兄弟世民亦以**集覽**頓弊頓通作鈍不銛利也
思意撫之與盟而去

鉛刀為銛又前漢書賈誼策芒刃不頓幽州幽通作

邠悲巾反古西戎地周時公劉所居故詩為幽國漢

為右扶風西魏置幽州唐元宗以幽字類幽字故改

為邠犀利犀堅也前漢書鼂錯傳器不犀利顏師古

注云古以犀兕皮為**質實**關中注見元宗開

鎧甲故謂堅曰犀元十一年京兆

書法

書受盟何非請也何以知其非請史稱世民
又違人說突厥則不欲戰之意在我矣綱目

書曰受盟不以外加內也書外盟始此盟例四請

盟卑辭也受盟順辭也與盟降辭也來盟伉辭也

終綱目書外盟五是年武德九年代宗永泰元年

德宗貞元三年穆宗長慶元年書受盟者二是年


代宗永

泰元年

冬十一月以裴矩權侍中質實

侍中官名環濟要畧曰古官也風后為黃帝侍

中周有常伯見尚書立政秦漢為侍中徐堅初學記曰秦取古官置丞相丞相史也丞相使史五人來往殿中奏事故謂之侍中後魏始為樞密之任梁又以為宰相職事唐侍中與中書尚書二令並為真宰相矣



御批資治通鑑綱目卷三十八